

جريدہ عدلیہ

نومبر ۶۶

۱۷ رجب ۱۳۳۰ — ۲۰ حیران ۱۳۲۸

اوپنچی سنہ

چهارشنبه

قسط ۷۷

نوبہرات عدلیہ

در سعادت برنجی تجارت محکمہ سی رئیس او خانس افدینک مأمورین ملکیکہ نک تقاعدینہ دائر اولان قانونک اوچنچی مادہ سنندہ محرر بولندینی اوزرہ سن مجبوری تقاعدہ واصل اولمسنہ مبنی تقاعدہ سوقیلہ برینہ علاوہ مأموریت اولہرق ایفا ایتمکدہ اولدینی در سعادت غنایم بحریہ محکمہ سی ریاستی عہدہ سنندہ قالمق اوزرہ محکمہ مذکورہ اعضاسندن عارفی بک تعیین اولنمشدر .
اشبو ارادہ سنہ نک اجراسنہ عدلیہ نظارتی مأموردہ .

۲۳ جمادی الاخرہ سنہ ۱۳۳۰ و ۲۷ مایس سنہ ۱۳۲۸

محمد رشاد

صدراعظم

عدلیہ ناظری

محمد

محمود

ديار بكر ولايتى عدليه مديرى عمر لطفى بكك محل مأموريتنه عزيمت خصوصنده بيان معذرت ايتسه
 بنى مستعفى عديله يرينه بك اوغلى بدايت محكمهسى اعضاسندن خلوصى افندى، آنك يرينه اسكدار بدايت
 محكمهسى اعضاسندن بهجت و مذكور اعضالغه محكمه مذ كوره مستنطق اعضاسندن فواد آنك يرينه
 خداوندكار ولايتى استيناف محكمهسى رئيسى سانج بككر و خداوندكار ولايتى استيناف محكمهسى رياسته سيواس
 ولايتى استيناف محكمهسى جزا رئيسى اولوب تحويل طلبنده بولنان عاكف، منحل اولان بتليس ولايتى
 مركز بدايت محكمهسى جزا رياسته موصل ولايتى مركز بدايت محكمهسى مدعى عموميسى اديب جراح
 آنك يرينه كركوك سنجانى بدايت محكمهسى جزا رئيسى بكر صدق، آنك يرينه اورفه سنجانى بدايت محكمهسى
 جزا رئيس سابقى مصطفى شوق، سينوب سنجانى بدايت محكمهسى جزا دائرهسى رئيسى حامد بكك وقوع
 استعفاسته مبنى يرينه ديوانيه سنجانى بدايت محكمهسى جزا رياستندن مستعفى رشاد ذهني افنديار نقل
 وتعيين اولمشلردر.

اشبو اراده سنيهك اجراسنه عدليه نظارتى مأموردر.

ل ۲۳ جادى الاخره سنه ۳۳۰ و ل ۲۷ مايس سنه ۳۲۸

محمد رشاد

عدليه ناظرى

صدر اعظم

ممدوح

سيواس ولايتى استيناف محكمهسى جزا رياسته خداوندكار ولايتى استيناف محكمهسى مدعى عموميسى
 سليمان رشاد افندى، آنك يرينه محكمه تميز حقوق دائرهسى ميزلرندن و مكتب حقوق عثمانى مأذونلرندن
 حكمت بك، ساقز سنجانى بدايت محكمهسى مدعى عمومى معاونى خيرى افنديك بلا مأذونيت درسهاده
 گلبيندن طولاي مستعفى عديله يرينه حديد سنجانى بدايت محكمهسى رياستندن مستعفى محمد امين افندى
 تعيين اولمشلردر.

اشبو اراده سنيهك اجراسنه عدليه نظارتى مأموردر.

ل ۲۴ جادى الاخره سنه ۳۳۰ و ل ۲۸ مايس سنه ۳۲۸

محمد رشاد

صدر اعظم

عدليه ناظرى

ممدوح

ممدوح

منحل اولان بك اوغلى بدايت محكمهسى مستنطق اعضالغه محكمه تميز استعفا دائرهسى باش ميزى
 عونى بك، كوناويه سنجانى بدايت محكمهسى رياسته آيدىن ولايتى محكمه استينافيهسى مدعى عمومى معاونى
 مكتب حقوق عثمانى مأذونلرندن فائق كال افندى، آيدىن ولايتى محكمه استينافيهسى مدعى عمومى معاونلكنه
 كوناويه سنجانى بدايت محكمهسى رئيسى نورى بك، بارطينلوا بدايت محكمهسى مدعى عمومى معاونى حسن
 قاسم افنديك استعفا سنه بناء يرينه يوزغاد سنجانى بدايت محكمهسى مدعى عمومى معاونى اولوب تحويل
 طلبنده بولنان شمس الدين، يوزغاد سنجانى بدايت محكمهسى مدعى عمومى معاونلكنه قيردى سنجانى
 جنبه محكمهسى رئيسى يوسف ضيا، قيردى سنجانى جنبه محكمهسى رياسته قوچحصار قضاسى بدايت
 محكمهسى جزا رئيسى اولوب تحويل طلبنده بولنان صالح صلاح الدين، قوچحصار قضاسى بدايت محكمهسى
 جزا رياسته كذلك تحويل طلبنده بولنان ملاز كرد قضاسى بدايت محكمهسى رئيسى احمد جودت، سيواس
 ولايتى محكمه استينافيهسى مدعى عمومى معاونى محمد قدرى افنديك محل مأموريتنه عزيمتدن امتناع و اخيراً
 دخی استعفا ايتسه مبنى يرينه جيحان قضاسى بدايت محكمهسى رئيسى يوسف ضيا، منحل اولان موصل
 ولايتى محكمه استينافيهسى مدعى عمومى معاونلكنه ذيله قضاسى بدايت محكمهسى جزا رئيسى على حكمت،
 طرنوه قضاسى بدايت محكمهسى رئيسى قره كين سرجانيان افنديك استعفا سنه بناء يرينه ايوالق قضاسى بدايت
 محكمهسى مدعى عمومى معاونى ثريا، اونيه قضاسى بدايت محكمهسى رئيسى عبدالرحمن عطاءه افنديك استعفا
 حسيله يرينه رئيس بدايت محكمهسى رياستندن مستعفى على علوى، طوز قضاسى بدايت محكمهسى مدعى
 عمومى معاونى اسماعيل ادهم افنديك محل مأموريتنه قبل العزيمه استعفا سنه بناء يرينه غرامش قضاسى بدايت
 محكمهسى مدعى عمومى معاونلكندن مستعفى جلال، وغرامش قضاسى بدايت محكمهسى مدعى عمومى معاونلكنه
 مكتب حقوق عثمانى على الاعلى درجه مأذونلرندن محمد حمدى، سفورلو قضاسى بدايت محكمهسى مدعى
 عمومى معاونى جميل افنديك ترك مأموريتله انفكاك ايتسه بناء مستعفى عديله يرينه مكتب حقوق عثمانى
 على الاعلى درجه مأذونلرندن محمد صبرى، كربلا سنجانى بدايت محكمهسى اعضاسندن سليمان خلوصى افنديك
 كذلك استعفا سنه بناء يرينه مكتب حقوق عثمانى على الاعلى درجه مأذونلرندن على كال افنديار نقل وتعيين
 اولمشلردر.

اشبو اراده سنيهك اجراسنه عدليه نظارتى مأموردر.

ل ۲ رجب سنه ۳۳۰ و ل ۴ حيران سنه ۳۲۸

محمد رشاد

صدر اعظم

عدليه ناظرى

ممدوح

ممدوح

عدلیہ و مذاہب نظارتی مستشارانہ ہدایت و استیفاف مدعی عمومیکاریلہ امور جزائیه مدیرینده خدمتی مسبوق بولنان بولی متصرفی عزمی بك تعیین اولمشدر ،

اشبو اراده سنیه نك اجراسنه عدلیه نظارتی مأموردر .

۳۲۸ و ۷ جزیران سنه ۳۳۰

محمد رشاد

صدراعظم

عدلیہ ناظری

159

محمد روح

نفسه وحوصل

قوصوه ولايى داخلنده پزرين سمنجاني بدايت محكمهسى اجرا مأموريتنه متروويجه قضاسى بدايت محكمهسى اجرا مأمورى عبده ، فروزويك تضاسى بدايت محكمهسى اعضاالقرينه لومه بدايت محكمهسى اعضاالغندن مستغنى محرم ورادويشته بدايت محكمهسى اعضاسندن ياني پاپاطومو ، رادويشته بدايت محكمهسى اعضاالقرينه لومه بدايت محكمهسى اعضاسندن عبدالخاليم وسيمون ديترويج ، ولچترين بدايت محكمهسى اعضاالغنه رادويشته بدايت محكمهسى اعضاسندن جلال ، پرشته بدايت محكمهسى اعضاالغنه بغداد اجرا مأمور سابقى سليمان افنديلر تعيين اولنش وقوصوه مركز بدايت محكمهسى سرمستنتقى نائل افندى ايله جزاير بحرسفيد مركز بدايت محكمهسى مستنتقى نائل افنديك بجايشلرى اجرا قلمشدر .

خداوندگار ولایتی داخلیده سکود قضاسی بدایت محکمه سی مستنطق لکنه علی الاعلی درجہ دہ مستنطق ملک
شہادت نامہ سی حائز بولسان کیوہ بدایت محکمه سی سابق برنجی کابی محمد طلعت ، مکلیک قضاسی بدایت
محکمه سی برنجی کتابتہ اطرائوس قضاسی بدایت محکمه سی برنجی کابی محمد ، آنک یرینه کو بجز قضاسی
بدایت محکمه سی برنجی کاتب سابق عاطف افندیلر

انقره ولایتی داخلنده آوانوس قضاسی بدایت محکمه سی اجرا مأموریتنه قیرشهری سنجاغی بدایت محکمه سی باش کاتب سابق ابراهیم ادهم ، قونیه ولایتی داخلنده نوشهر قضاسی بدایت محکمه سی برنجی کتابتیه اقسرای قضاسی بدایت محکمه سی برنجی کاتبی احمد ، مومی الهیک یرینه مرکز بدایت محکمه سی حقوق دائرة سی ضبط کتبه سندن مصطفی صبری ، قره مان قضاسی بدایت محکمه سی برنجی کتابتیه بوردور بدایت محکمه سی اعضا ملازمی مصطفی وقسطمونو ولایتی داخلنده سینوب سنجاغی بدایت محکمه سی باش کتابتیه بوی آباد قضاسی بدایت محکمه سی برنجی کاتبی رکن الدین ، مومی الهیک یرینه لوا تحریرات قلمی مسودی محمد فخرالدین

بوی آباد بدایت محکمه سی مستنطق لکنه محکمه مذکورہ اجرا مأموری شوکت ، کرہ نخاس بدایت محکمه سی مستنطق لکنه دورہ بدایب محکمه سی برنجی کاتب لکندن مستغنی سلیمان سری و مذکور کرہ نخاس بدایت محکمه سی برنجی کاتب طای بدایت محکمه سی برنجی کاتب امین افندیلر .

طربزون ولایتی داخلندہ کرہ سون بدایت محکمہ سی اجرا مأمور لغتہ کورہ لہ بدایت محکمہ سی مستنطق معاونی عبدہ و مذکور کرہ سون محکمہ سی برنجی کتابتہ خوبہ قضاسی بدایت محکمہ سی برنجی کاتبی اشرف چہار شنبہ قضاسی بدایت محکمہ سی برنجی کتابتہ اونیہ قضاسی بدایت محکمہ سی مستنطق معاونی امین فاتسہ قضاسی بدایت محکمہ سی مستنطق لکنہ جانیک سنجانی بدایت محکمہ سی باش کاتبی مصطفی شاکر ، جانیک بدایت محکمہ سی باش کتابتہ اردو قضاسی بدایت محکمہ سی برنجی کاتبی محمد صفوت ، چہار شنبہ قضاسی بدایت محکمہ سی مقالات محرر لکنہ اونیہ قضاسی بدایت محکمہ سی کتبہ سندن خالد افندیلر .

اطنه ولايتی داخلنده مرسين بديت محكمه سی اعضا ملازماكنه جبل بركت سنجاني بديت محكمه سی اعضا لازمی محمد ثروت ، مومی اليهك يرينه جبل بركت بديت محكمه سی باش كاتبي عمر واشبو باش كتابته معاونلاكننده بولنان محمدعلي وسواس ولايتی داخلنده صومهری قضاسی بديت محكمه سی مستنطقلكنه قره حصار شرقی سنجاني بديت محكمه سی باش كاتبي خليل، مجيد اوزی قضاسی بديت محكمه سی مستنطقلكنه اماسيه نفوس مأموری ماهر ، مرزيفون قضاسی بديت محكمه سی برنجی كتابته كموش حاجی كوی قضاسی مقاولات محرری ابراهيم افنديلر .

بتلیس ولایتی داخلنده سمرقند سنجانی بدایت محکمه سی اجرا مأموریتنه ولایت استیفاف مدعی عمومیلیکی
کاتب سابق عبدالمجید، بیروت و ولایتی داخلنده صید قضاسی بدایت محکمه سی مستنطق لکنه صور قضاسی بدایت
محکمه سی مستنطق نجیب، اورفه سنجانی داخلنده بیرجک قضاسی بدایت محکمه سی رنجی کتابته شیه
قضاسی بدایت محکمه سی رنجی کتابتدن مستغنی محرم افندیلر تعیین اولمشلردر .

قونیه ولایتی مرکز بدایت محکمه ی جزا داورسی باش کاتبی رشدی وارکلی بدایت محکمه سی مستنطقی
نائب افندیلرک بجایش مأمورینلری اجرا قلمشدر .

تلیفات محمود

عمليه نظارت هلاکيه مندرجه نسطير ارفاقه ۳۱ مایس ۳۲۸ تاريخي خبرات عموميه صورتيه در :

«وظائف مشترکہ از بابینک غیبیو بتلرنده وکیللرینه خمس وکالت معاشی ویریلدیه جکینه دائر»

محاکم رؤسا و اعضایان بن بعضی ازینک مأذونا و یا قهلاً اثنای آنفـ کا کـنده وظیفه سنی ایفا ایدن رفقایسی طرفدن

خمس وکالت معاشی طلبه دائر مراجعت وقوع بولمده اولدینی محاسبه مدیریتدن افاده اولمشدر. اول و آخر تبلیغ اولدینی اوزره محاکم رؤسا واعضایله اعضا ملازملری ومدعی عمومی ومستطقلک وظائف مشترکه احسابندن اولدقلری شورای دولته تقرر ایتش اولسنه ووظائف مشترکه اربابنک غیوبتلری حالنده وظیفه لرینی ایفا ایدن رفیق لرینه وکالت معاشی اعطاسی اقتضا ایتیه چکی ینه شورای مذکوره نک مقرراتی جمله سندن بولمنسه نظراً اصلک سبب و صورت افشاک کی هر نه اولورسه اولسون اونک یرنده ایفای وظیفه ایتسی ایجابات قانونیه دن اولان وکیله خمس وکالت معاشی و یریه میه چکی ایچون مراجعت بیوده ده بولنلما سنک اقتضا ایدنلره تبلیغی توصیه اولنور .

محکمہ تمیز مقراتی

محکمہ تمیز مقراتی مقراتی

محکمہ تمیز جزا دائره سنده صادر اولده ۲۵ نيسانه سنه ۳۲۸ تاريخی ر ۷۸۷ نومردلی اعلام صور تیرر :

« محکمه جه تشبث تام درجه سنده قالدینی قبول ایدیلن جرمک تشبث نامامه متعلق ماده قانونیه تطبیق و جرم جنایت نوعدن و جزای اصلی مجازات تره بیه دن اولدینی تقدیرده مواد قائمه موجبجه تنزیل ایدلسه بیله ینه بر جزای جنائی حکم ایدلسی لابدایکن جزای واقک حبس اولق اوزره توصیف ایدلسی مستلزم نقضدر »

ایلبصان سنجانی بدایت محکمه سی جزا دائره سندن صادر اولان ۹ کانون ثانی سنه ۳۲۷ تاریخلی وایکیوز قرق یدی نومردلی اعلام ایله متفرقاتی باش مدعی عموم ملک مأموریت علیه سنک ۱۴ جاذی الاولی سنه ۳۳۱ و ۸ نيسان سنه ۳۲۸ تاریخلی و بشیوز قرق آتی نومردلی تبلیغ نامه سیله محکمه تمیز جزا دائره سنده اعطا قلمشدر .

اعلام مذکورک خلاصه مالی اوچیوز یکرمی یدی سنه سی تموزینک طقوزنجی کونی مرعی مسئله سندن دولایی بالمنازعه یکدیگرینه قتل قصیدله استعمال سلاح وقوکان قریه سندن واسیل میخال پریفقی ایله یحیی بن طاهر داش و راغب فتاح طورومانی جرح ایلدکاری ادعاسیله جنایتله اتهام اولنان مرقوم راغب بن فتاح و میطروش ولد میخال پریفقی و برادرلری لیغور و سیمون و دلبر بن فتاح و غیر موقوف ابراهیم بن محمد جوته و یوسف محمد چادرا و رجب سلوان و موسی جوته و حسن سلوار و عبده سلوار و دمیر فتاح

وواسیل لالا و یحیی بن طاهر داشینک وجاهاً و غیاباً اجرا قلنان محاکمه علیه لری نتیجه سنده متهمون مرقوموندن موقوف راغب و فراری دمیر و رجب و حسن و عبده بنون سلوار و ابراهیم و موسی و یوسفک سبب مذکوردن دولایی بالمنازعه مذکور جرح فعل لرینه جرأتلری شهادت واقعه و طیب راپوری و ضبط ورقه لری مندرجاتی و امارات سائر ایله ثابت اولمش ایسده آنجق تدای تأثیری کبی اسباب مانعه حیلولیتله قتل فعله چیقماش و بناء علیه فعل مذکور تشبث تام درجه سنده قالمش اولدیغندن اولوجهله مجرمیت لرینه و حرکت لرینه توافق ایدن قانون جزا نک یوز سکساجی و جزای مخفی متضمن اولق اعتباریله ماقبله شامل بولنان قرق آلتنجی ماده قائمه لرینه تطبیقاً تعیین ایدیلن اوچ سنه کورک جزا سنک بالتصفیف برر یحق سنه حبس لرینه و آتف الاسامی دیگر متهملرک برائت لرینه ۷ کانون ثانی سنه ۳۲۷ تاریخنده حکم اولدیغندن عبارتدر .

اوراق دعوی بعدالمطالع حکم وجاهی جنایتدن دولایی تدقیقات تمیز به اجرا اولندوقده سالف الذکر تبلیغ نامه ده دخی بیان اولدینی و جهله جرمک تشبث تام درجه سنده قالدینی محکمه جه قبول ایدلمشکن قرق آلتنجی ماده قائمه نک تشبث نامامه متعلق فقره اولاسنه تطبیق کیفیت ایدلسی بولسز اولدینی کبی اساساً تشبثک هراییکی نوعی حقه ماده قائمه مذکورده تعیین ایدیلن مجازات قتل قصیدله جرح و احراقه تصدی و سائر بعض افعاله کوره مخفف جزا اولدینی بدیهی و ماده مذکورده تنزیلندن بحث ایدیلن جزا ایضا غنه تصدی اولنان فعلک فرض وقوعیه حکم ایدیله جک جزا نک تصنیف و تثلیثی دیمک اولوب یوقسه بعض افعال تشبثیه حقه قانوناً معین اولان مجازاتک تنزیلی جائز اوله میه جنی طبعی بولندیغندن و جرم جنایت نوعدن و جزای اصلی مجازات تره بیه دن اولدینی تقدیرده مواد قائمه موجبجه تنزیل ایدلسه بیله ینه بر جزای جنائی حکم ایدلسی لابدایکن جزای واقک حبس اولق اوزره توصیفی دخی مغایر قانون و مستلزم نقض اسبابدن بولمش اولغله حکم مذکورک اصول محاکمات جزائیة قانوننک اوچیوز اون دردنجی ماده سنده توفیقاً قضیه احکام قانونیه دائره سنده ایفای معامله اولنق اوزره اورا قنک محکمه اعاده سنه وایکیوز غروش اعلام خرجنک ایلروده حقسز چیه حق طرفدن تحصیلنه ۱۸ نيسان سنه ۳۲۸ تاریخنده متفقاً قرار ویرلدی .

محکمہ تمیز مقراتی مقراتی

محکمہ تمیز مقراتی دائره سنده صادر اولده ۴ نيسانه سنه ۳۲۸ تاریخ و... نومردلی اعلام صور تیرر

« اعلام تمیز بهه اعلام معترض بهک عیناً و یا مالی اسکاشیله حق صورتده خلاصه درج ایدلسی و معترض طرفدن شهود مستمعه دن بعضی حقه درمیان ایدیلن اعتراضک بالتبول تدقیقاتک عدم اجراسی مستلزم نقضدر . »

طر بزون قصبه سنک بازارقو محله سنده ساکن عثمان افندی ایله چار محله سنده مقیم موسی اوغلی ابراهیم افندی میاننده متکون دعوایه دائر طر بزون بدایت محکمه سندن ۷ کانون ثانی سنه ۳۲۷ تاریخلی و یوز قرق

عدليه ويريلوب مومى اليه عثمان افندى طرفندن تميزاً تدقيقى استدعا قلنان اعلام طرفينك اعتراض وجواب لايحه لريله برابر بالمطالعه تدقيقات تميزيه اجراسنه ابتدار اولدى .

اعلام مذكورك خلاصه مندرجاته نظراً مومى اليه ابراهيم افدينك مزبور عثمان افندى ذمتنه الهجنى اولان اون بش ليرانك تحصيلي حقنه اقامه ايلديكي دعوى اصولاً اثبات ايتديريلان سند مندرجاتيله ثابت اولسنه مبنى مبلغ مدعاهك تحصيله دائر عن الغياب صادر اولان اعلام حكمنه محكوم عليك عدم قاعته بوباده استماع اولنان شهوددن ولى بلك مجنون ايدوكندن وافادات سائردهن بختله اعلام غيابه مذكورك جرح وابطالى خصوصنده سرد ايلديكي اعتراضاتك رديله معترض بهك تصديق بولنده ويريلان اعلام تميزاً بالتدقيق اعلام غيابتك عيناً ويا مال صحيجي اكلاشيله جق صورتده اعلام ميمز بهه درج ايدلامسندن واسباب سائرده معلومه دن طولاني نقض واعاده اولنسى اوزرينه تكرار جريان ايدن محاكمه و تدقيقات نتيجه سنده اعلام غيابه مالى اعلام ميمز بهه درج وشهود مستمعنهك شهادتى مبرز سندك دازن مومى اليه مديون طرفندن ويرلمش اولديقه متدائر بولنمش اولسنه مبنى اعلام معترض بهك كما كان تصديقه حكم و قرار ويرلديكي اكلاشلمشدر .

سالف الذكر لايحه تميزيه شهود مستمعنه دن برينك مجنون ايدوكنه دائر اثنائ محاكمه سرد ايلديكي اعتراضك نظر دفته آئنامسى مغاير قانون ايدوكندن بختله اعلامك نقض ولايحه جوابيه ده دخى اعتراضات مسرودهك غيروارد ايدوكى بيانيله ردى وموافق اصول وقانون اولان اعلامك تصديقى طلب واستدعا ايدلمشدر .

ايجاب كيفيت مذاكره اولندقه بوندن اول تميزاً تدقيق ايديلان اعلام ميمز بهه اعلام معترض بهك درج ايدلسى محكمه تميزيه تحت قراره آئندىي حاله مذكور اعلامك عيناً وياخود مالى اكلاشيله جق وجهله خلاصه بوكرده دخى درج ايدلامسى مغاير اصول اولدينى كى معترض طرفندن شهود مستمعنه دن بعضيسى حقنده حين شهادته مجنوندر ديه درميان ايديلان اعتراض بالقبول تدقيق ايدلك اقتضا ايدرايكن بوجهتلردن ذهول اولنهرق بوجه مشروح قرار ويرلسى يولسز ومغاير قانون اولديغندن اصول محاكمه حقوقه قانوننك ايكي يوز اوتوز ايكنجى مادهسى موجبجه اعلام مذكورك نقضيله قانون مزبورك ايكي يوز قرق دردنجى مادهسى حكمنه توفيقاً كيفيتك بالرؤيه اعلامه ربطى ضمننده محكمه مذكوره اعاده سنده ودعوای واقعه دن طولاني اختيار اولنان مصارف آتیه تميزيهك ايلروده حقسز چيقه جق طرفه عائد اولسنه ۴ نيسان ۳۲۸ تاريخنده متفقاً قرار ويرلدى .

محكمة تميزيه مقومه دائره سنده صادر اولده ۲۸ نيسان سنه ۳۲۸ تاريخ ر... نورولى اعلام صريته ر :

« يوقلمه دن ويريلان طابو سندنك اسباب ثبوتيه تصرفيه دن عا ايديلرك حكم اعطاسى مستلزم نقضدر »

ادرنه قصبه سبك بللى برغوس محله سنده مقيم تبعه ايرانيه دن ارايه جى تيمور ايله مدرسه على بك محله سنده مقيمون وكذا تبعه ايرانيه دن متوفى دخانى على ورثه سندن مخدوملرى محمد واجد واسعد ميانه لرنده متكون دعوايه دائر ادرنه بدايت محكمه سندن ۵ شباط سنه ۳۲۷ تاريخى واوچيوز التمش سكر عدليه ويريلوب مرقوم تيمور طرفندن تميزاً تدقيقى استدعا قلنان اعلام طرفينك اعتراض وجواب لايحه لريله برابر بالمطالعه تدقيقات تميزيه اجراسنه ابتدار اولدى .

اعلام مذكورك خلاصه مندرجاته نظراً مزبورون محمد ورفقاسى باعرفضحال محكمه مذكوره مراجعتله متوفى پدرلرندن انتقالاً يوقلمه دن معطى بر قطعه طابو سندن موجبجه متصرف اولدقلى اخور قريه سنده كائن معلوم الحدود والمقدار ترلايه مزبور تيمور طرفندن فضولى وقوعبولان دعوتيه مدعى عليك اجابت ايتامسنه ايلدكارى دعوانك اجراى محاكمه سچون تعين اولنان كونده وقوعبولان دعوتيه مدعى عليك اجابت ايتامسنه مبنى غيابه جريان ايدن محاكمه و تدقيقات نتيجه سنده مدعيلرك ادعائى مبرز سند مندرجاتيله ثابت اولسنه مبنى مدعى عليك محل منازع فيه مداخله واقعهك منعه حكم وقرار ويرلديكي اكلاشلمشدر سالف الذكر لايحه تميزيه مبرز سندك يوقلمه دن اعطا ايدلمش اولسنه نظراً حكمنى اولاميه جنى دركار ايكن محكمه جه بوجهتكم نظر دفته آئنامسى يولسز ايدوكندن وافادات سائردهن بختله اعلامك نقضى ولايحه جوابيه ده دخى اعتراضات مسرودهك غير وارد ايدوكى بيانيله ردى وموافق اصول وقانون ارلان اعلامك تصديقى طلب واستدعا ايدلمشدر .

ايجاب كيفيت مذاكره اولندقه مدعيلرك مدار ثبوت اولق اوزره عندالحاكمه ابراز ايلدكارى سند يوقلمه دن اعطا ايلديكي تحت تصديق لرنده اولدينى جهته بونك اسباب ثبوتيه تصرفيه دن اولاميه جنى امر واشكار اولديغندن مدعيلردن بشقه جه آرائيله رق نتيجه حاصله كوره حكم واعطا ايدلك لازم كلور ايكن بوجهتكم نظر دفته آئنيه رق بوجه مشروح قرار ويرلسى يولسز ومغاير قانون اولديغندن اصول محاكمه حقوقه قانوننك ايكي يوز اوتوز ايكنجى مادهسى موجبجه اعلام مذكورك نقضيله قانون مزبورك ايكي يوز قرق دردنجى مادهسى حكمنه توفيقاً كيفيتك بالرؤيه اعلامه ربطى ضمننده محكمه مذكوره اعاده سنده ودعوای واقعه دن طولاني اختيار اولنان مصارف آتیه تميزيهك ايلروده حقسز چيقه جق طرفه عائد اولسنه ۲۸ نيسان سنه ۳۲۷ تاريخنده متفقاً قرار ويرلدى .

محكمة تبين حقوقه دائره سنده صادره از سده ۳۱ مابین سده ۳۲۸ تاریخ و ... نومردلو اعلام صورتیتر :

« تصرفی مبین اوراق رسمیه ابراز ایدلکجه مجرد مرور زمانه استناداً حکم اعطایی ومستلزم تقضدر »

مالیه نظارت جلیله سیه در سعادتده بشکطاشده اخلامور جاده سنده مقیم برنجی فرقه قوماندانی حسن پاشا حفیدی ارکان حرب میر آیلرندن حسن عزت بك ینتنده متكون دعوايه دائر اظنه استیناف محكمه سندن ۲۲ كانون ثانی سده ۳۲۷ تاریخی و قرق ایکی عددی ایله ویریلوب خزینة مش ار الیهانك محلی وکیلی طرفندن تمیزاً تدقیقنی استندعا قلنان اعلام باش مدعی عمومیاك مأموریت علیه سندن مطالعه نامه سی اندقدن صکره طرفینك اعتراض وجواب لایحه لرله بالمطالعه تدقیقات تمیزیه اجرا سنده ابتدار قلندی .

اعلام مذکور مندرجاته نظراً اظنه ولایتی خزینة جلیله مالیه وکیلک ولایت مذکور ساحلنده کائن اولوب رقبه و حقوق تصرفیه سی خزینة بیت المال عائد بولنان قره طاش دالیانی دینکله معروف کورفرزه علی محسن پاشا ورثه سی طرفندن فضولی وقوعبولان مداخله نك منبعله دالیانك خزینة تسلیمنی اظنه بدایت محكمه سنده بالاستدعا بالمراجعه طلب ودعوی ومدعی علیه حسن عزت بك وکیللری دخی مدعا به دالیان بیک ایکی یوز التمش اوج سنده سندنبری اباعن جد تحت تصرفلرنده اولوب مرور زمان حسیله اشبو دعواك مسموع اولمیدیغنی مدافعتیه بیان وادعا و برقطعه موقت علم و خبری ابراز واعطاو مدعا به بالقضخانه نك مشتملاتندن اولدیغندن دعواي واقعه ده تناقض بولندیغندن اقاده و انبا ومدعی دخی محل منازع فهك منافعیه عومه عائد اولدیغندن مرور زمان جاری اولمیدیغنی درمیان ایللری اوزرینه مدعی عمومی حضوریه جریان ایدن محاکمه وکشف و تدقیقات نتیجه سنده دعواي واقعه اول و آخر دالیانك رقبه سنده متعلق اولوب تناقض کوریه مامش و مدعا به محل دکردن طبیعی ربو فزاله ابرلش و محیطی تخمیناً الی ساعت برمسافیه قدر توسع ایش بيوک برکولدن عبارت اولدیغنی اولبابده کی کشفی حاوی راپوردن نمایان اولمش و مجله نك مواد معلومه سی موجبیه بو مثللو کوللر مباح اولوب بالقضخانه ایچون ویریلان علم و خبرك جهت تصرفیه جه دالیان اتخاذ اولنان کوله قارشو برکونه حکم تأثیری اولمیدیغنی کی سبب تملکدن اولوق اوزره برات عالیشان و دیگر وثائق رسمیه دخی ابراز ایدیه مامش و بناءً علیه مرور زمان ایله تصرفه عائد مدافعات مردود بولنش اولدیغندن مدعی علیه مومی الیهك مدعا به دالیانك بوجه ملکیت رقبه سنده اولان تصرف و مداخله سندن منعه دائر ویریلان اعلام اوزرینه مدعی علیه استیناف دعوايه بالقیام طرفین ادعا و مدافعات ابتدائیه لرینی تکرار ایللری اوزرینه محكمه استینافیه بدایة مدار حکم اتخاذ قلنان موادك خصوص مدعا به جهت تعلق اولیوب ضابطه صیدیه نظامنامه سندن یکرمی برنجی ماده سنده مصرح اولدیغنی اوزره بونك اوتدنبیری حکومت و کرکسه اوقاف و اشخاص طرفندن انتفاع و تصرف اوله کلان دالیانلره

شمولی اولمیدیغنی و مستأنف وکیللری دخی محل مدعا به مرور زمان حدینه بالغ مدتنبیری متصرف بولندقلربی توازراً اثبات ایده جکلربی درمیان ایدلکبری حالده محكمه بدایتیه اسباب ثبوتیه قانونیه ارا تلامش اولمشی نواقض قانونیه دن کورلمکله نواقض مذکور نك اکیلی و مستأنف وکیللری طرفندن تسمیه ایدیلان شهودك استماعی قرار کیر اولدقدن صکره کذلک مدعی عمومی حضوریه اجرا قلنان محاکمه استینافیه نتیجه سنده مدعی علیه مستأنف مومی الیهك مدعا به دالیان قرق سنده نبیری متصرف بولندیغنی استماع قلنان شهود معده نك شهادتیه ثابت و بالقضخانه تصرفلری دخی مبرز طاپو سنوی مندرجاتیه تحقق ایش و ضابطه صیدیه نظامنامه سندن ماده مذکور سی بوجهی مؤید بولنش و بومثللو دالیانلرک فرمان هابون ویا برات عالیشان ایله تصرف اولنه جنی حقننده برقید قانونی کوریه مامش و مدعی علیه مدت تصرفی مرور زمان حدینه بالغ اولمش و حتی حسن پاشا دالیانی نامیه رسوم نظامیه سی دخی جبابیت ایدلک اوزره تصرف واقع فعلاً تصدیق ایدلش و مدعی خزینة وکیلک استرداد دعوا سی ایله منافعیه عومه عائد اولدیغندن بخشله مرور زمان جاری اولیه جنی حقننده کی افاداتی یکدیگره مناض بولنش و لهذا مدعی عمومینك بتکرار اجرای کشفه متدائر طلبی غیروارد کورلش اولدیغندن اصول محاکمه حقوقیه ذیلنک یکرمی دردنچی ماده سی موجبیه اعلام ابتدائی مذکورك فسخيله مجله نك بیک الی یوز التمشنی ماده سی حکمنه توفیقاً مرور زمانه بناءً دعواي واقعه نك عدم استماعنه قرار ویرلدیکی اکلشلمشدر .

مستدعی تمیز طرفندن ویریلان لایحه ده عندالاستیناف نواقض قانونیه نك وجودی حقننده بسط و تمهید ایدیلان اسبابک بر ماده قانونیه اقتران ایدلماش و بالازوم قانونی شهود استماع ایدیلرک مرور زمانك وقوعنه قرار ویرلمی و بالقضخانه متدائر مبرز طاپو علم و خبرینك اسباب ثبوتیه دن عد ایدلمی و مدعی عمومی طرفندن طالب اولنان کشفك بالاسباب موجه رد ایدلمی بولسز و اصول و قانونه مغایر اولدیغندن بخشله اعلامك تقضی و لایحه جوابیه ده دخی غیر وارد اولان اعتراضات مسروده نك ردیه موافق قانن اولان اعلام مذکورك تصدیق طلب واستدعا قلنش و سالف البیان مطالعه نامه مفادی دخی لایحه نمیزیه ده درمیان اولنان اعتراضاتك غیر وارد اولدیغنی بیانیله اعلام ممیز هك تصدیق لازم کله چکی مطالعه سندن عبارت بولنشدر .

ایجابی مذاکره اولندقدن کیفیت مدعا بوجه محرر تحت حکمه آلمش ایسه ده مجله نك بیک ایکی یوز اوتوز یدنجی ماده سنده محرر اولدیغنی وجهله بوکی محللر مباح اولوب فقط مواضع مذکورده حق صید خصوصی حکومتجه تحت انحصاره آلمش اولدیغنه و محل مذکورده تصرفی مبین و نائق رسمیه ابراز ایدیه مدکجه مجرد مرور زمانه استناداً کندوسی ایچون حق تصرف ثابت اولیه جنی درکار بولندیغنه بناءً محكمه جه مدعی علیه طرفندن ابراز ایدیلان و بالقضخانه مختص اولدیغنی اکلشیلان سند خارجنده قلان مواقع ایچون وثیقه ثبوتیه ابراز ایدلکجه منع معارضیه قرار ویرلمک لازم کلور ایکن محكمه جه بوجه تلدردن ذهول اولنه رق بوجه مشروح قرار ویرلمی بولسز و اصول و قانونه مغایر اولدیغندن اصول محاکمه حقوقیه قانوننك ایکی

يوز اوتوز ايكنجى مادهسى موجبجه اعلام مذكورك تفضيله قانون مذكورك ايكي يوز قرق دردنجى ماده سنك فقره اولاسى حكمنه توفيقاً كيفيتك صورت مشروعه دائره سنده بالرؤيه اعلامه ربطى ضمننده محكمه مزبورده اعاده سنه واشبو تميز دعواسندن طولاي اختيار اولنان مصارف مفرداتى زيرده كوسترلمش اولديغندن بونلركده ايلروده حقتى حقيقه جق طرفه عايد اولسنه ۳۱ مائس ۳۲۸ تاريخنده متفقاً قرار ويرلدى.

محكمه تميز حقوقيه دائره سنده صادر اولده ۹ نيسانه سنه ۳۲۸ تاريخى و... نومرولى اعلام صورتيه :

« مستدعى تميز طرفندن درميان اولنان اعتراضات عندالاستيناف اسباب موجهه قانونيه استناداً ايدلىكي حالده تكرر تدقيقدن مستغنى اولديغه دائر »

سوريه ولايته تابع دوما قصبه سنده ساكنه امون بنت مصطفى حمدان ومخدومى بكري بن عبدالستار الشيخ ضاهر عريش ايله متوفى احمد بن محمد الحورى ورثه سندن زوجه سى واولاد صغارى محمد وعائشه نك وصيه سى خديجه وكبيره قزى رقيه بيلرندى متكون دعوايه دائر سوريه استيناف محكمه سندن ۱۱ مائس ۳۲۷ تاريخى والى ايكي عددى ايله ويريلوب مزبوره امون طرفندن تميزاً تدقيقى استدعا قلنان اعلام باش مدعى عمومىك مأموريت عليه سنك مطالعه نامه سى آلدقندن صكره يالكز مستدعية تميزك اعتراض لايحه سى ايله بالمطالعه تدقيقات تميزيه اجراسنه استدار قلندى .

اعلام مذكور مندرجاته نظراً مزبور احمد بن محمد الحورىك دوما قصبه سنك المزرعه موقعنده كان اشجار مثمره وغير مثمره سى محتوى معلوم الحدود ايكي قطعه ترلايه مرقوم بكري طرفندن وقوعبولان مداخله نك منعى حال حياتنده طلب ودعوى ومدعى عليه بكري دخى مدعا به اراضيك والده سنه عايد اولديغنى افاده وانبأ وشخص ثالث صفتيله داخل دعوى ايديلان مزبوره امون دخى منازع فيه اراضى سى اولبابده كى تاريخ ممنوعيتدن مقدم مدعيند بالا شترا ملكى اولديغندن مدعى مرقومك منع معارضه سنه قرار ويرلمسى ومدعينك قبض ايدلىكي محصولاتك اثمانى اولان بيك ايكي يوز غروشك تضمينى طلب وادعا ايللى اوزرينه لاجل الحاكه تعين قلنان يوم محاكمه دعوت واقعه ه اجابت ايمان مدعى عليهم مادن بكري نك محافظه حقوقى ضمننده وكيل مسخر تعيينيله غياباً وشخص ثالث والده سى مزبوره امون حضورنده وجاهاً اجرا قلنان محاكمه نتيجه سنده مدعى عليهم مادن بكر منازع فيه اراضيده كى ملكيتى نفى ايله والده سنه عايد اولديغنى درميان ايتمش ورالده سى اولبابده كى دفع دعواسنى اصولاً انباندن اظهار عجزله طالب اولديغنى يمينى دخى مدعى مرقوم قبول واجرا ايتمش اولديغندن مدعى عليهم امون قادين وبكري نك منازع فيه اراضى به وقوعبولان مداخله لرينك منعه دائر ويريلان اعلام اوزرينه مزبوره امون خاتون استيناف دعوايه بالقيام ذى ايدلىكك بالينه اثبات ايتدىرلك ومدعا به اراضى به باطابو متصرف اولديغنى درميان ايدلىكي حالده نظر اعتباره التماسى وارضى منازع فيها زراعت باقعه سنه مرقوم بونديغنى حالده مرقومك داخل دعوى ايدلماسى اسبابندن طولاي

اعلام ابتدائيك فسحى بيان وادعا ومدعى مرقومك وقوعوفاننه مبنى اولبابده كى وراثت حجتى موجبجه محكمه به جلب ودعوت ايديلان مزبورنان خديجه ورقيه خاتونلردخى مؤخرأ تعين قلنان يوم محاكمه ده محكمه به كلكارندن وكيل مسخر تعين قلنه رق مدعى عمومى حضوريله اجرا قلنان محاكمه استينافيه نتيجه سنده مستأنفه مدعا به اراضى سى مستأنف عليهم لك مورثندن خارجاً اشترايتش اولديغنى درميان ايتمش اولمى حسيله مجله نك مواد معلومه سى وجهله ذى ايدلىكك اثباتنه لزوم قانونى اولديغنى كى مرتين زراعت باقعه سنك دخى داخل محاكمه ايدلمسنه مجبوريت قانونيه بولنديغندن واساساً يمين ايله حل مسئله ايدلمش اولديغندن مستأنفه مزبورنك مبحوث عنه اعتراضاتك رديله اعلام ابتدائى مذكورك تصديقه قرار ويرلدى كلاكشلمشدر . مستدعية تميز طرفندن ويريلان لايحه ده عندالاستيناف اسباب ثبوتيه وذى ايدلىكك اثباتى ومقرنك حضورى حقنده درميان ايدلىكي اعتراضاتك بلا اسباب موجب رد اولمى يولمس و اصول وقانونه مغاير اولديغندن بحثله اعلام مذكورك نقضى طلب واستدعا قلنمش وسالف البيان مطالعه نامه ده دخى لايحه تميزيه ده درميان اولان اعتراضاتك غير وارد ايدوكى بيانندن عبات بولمشدر .

ايجابى لى المذاكره تميزى طلب اولنان اعلام مذكورك نتيجه بالاده برتفصيل بيان اولديغنى وجهله مزبوره امون خاتون اولبابده كى معامله اشترايتيه اصولاً اثبات ايدىمدى كى طالب اولديغنى يمينى دخى مدعى بالقبول اجرا ايدلىكندن منازع فيه اراضى به وقوعبولان مداخله لرينك منعه دائر ويريلان اعلامك عندالاستيناف تصديقه حكمن عبات اولسنه كوره حكمن مذكور اسباب موجبيه مستند اصول وقانونه موافق ومستدعية تميز طرفندن درميان اولنان اعتراضات عندالاستيناف اسباب موجب قانونيه استناداً ايدلىكي جهتله تكرر تدقيقدن مستغنى اولديغندن اصول محاكمه حقوقيه قانونك ايكي يوز قرق ايكنجى ماده سنك فقره ثانيه سى موجبجه اعلام مذكورك تصديقه واشبو تميز دعواسندن طولاي اختيار اولنان مصارف مفرداتى زيرده كوسترلمش اولديغندن بونلركده مستدعية تميزه عايد اولسنه ۹ شباط سنه ۳۲۸ تاريخنده متفقاً قرار ويرلدى .

محكمه تميز هيئت عموميه سنده صادر اولده ۱۸ مارت سنه ۳۲۸ تاريخى و... نومرولى اعلام صورتيه :

« ايجار سندن منازع فيه درت قطعه ترلادن اوچ قطعه سنه منحصر اولسنه كوره ايجارده داخل اوليان ديكر ترلا حقتنده كى ادعاك مرور زمان نقطه سندن عدم استماعى لازم كلىكنه دائر »

سيواس قصبه سنك شمس فراش محله سنده مقرر اوچلر بى محله سنده مقيمون چوركلى اوغلى عبده افندى ايله همشيرلر ذليخا وهاجر وحيدى وخديجه ميانه سنده متكون دعوايه دائر سيواس استيناف محكمه سنده

۱۴ تشرین ثانی سنه ۳۲۶ تاریخی واوون ایکی عدلیه اصراراً ویریلان اعلامک تصدیقی حاوی هیئت عمومییدن صادر اولوب مومی الیه عبدالله افندی طرفندن تمیزاً تصحیحی استدعا قلنان ۲۹ تشرین اول سنه ۳۲۷ تاریخی ویک درتیوز یکریمی اوچ نومرولو اعلام طرفینک اعتراض و جواب لایحه لریله برابر بالمطالعہ تدقیقات تمیزیه اجرا سنه ابتدار اولندی.

اعلام مذکورک خلاصه مندرجاتی مزبوره ذایخا خاتون و همشیره لرینک پدر و مورثلری متوفی امین آغادن بالانتقال برادرلری مومی الیه عبدالله افندی ایله مشترکاً متصرف اولدقلری معلوم الحدود درت قطعه ترلادن کندو حصه لرینک افرازیله برادرلری مزبورک واقع اولان مداخله سنک منتهی طلب و دعوی و مدعی علیه عبدالله افندی دخی مذکور ترلاره پدری متوفی مرقومک حال حیاتنده اون یدی سنه دنیرو بلانزع کنیدی تصرف ایلمکده اولدیغندن دعوانک مرور زمان جهتیله ردی لزومی افاده و ادعا یتلری اوزرینه ذی الیدلکک بالبنیه ثبوتیه بدرجه یه قدر محاکمه جریانندن صکره مدعی علیه مزبورک محاکمه و مجابو بدن امتناع ایلمسنه منی وکیل مسخر و اراضی مأمورلری حضوریله غیاباً جریان ایدن محاکمه و تدقیقات نتیجه سنده مدعیله طرفندن ابراز اولنان اوچ قطعه طابو سنداتی مذکور ترلار پدرلری متوفی امین آغانک مالی اولدیغنی مبین و دیگر برقطعه ترلانک سندینی متوفای مرقومک حال حیاتنده زراعت باقهنسندن استقراض ایلدیکی مبالغه مقابل مذکور باقهنیه اعطا ایلدیکی ده مدعی علیه مومی الیهک تحت اقرارنده بولنسنه و مذکور ترلادن اوچ قطعه سنی محمود و عمر نام کیمسه لره ایجار ایلدیکی مشعر سننده دخی مذکور ترلارک پدری متوفای مرقومدن موروث و متروک اولدیغنی مدعی علیهم بیان و اعتراف ایلمسنه بناءً بجهتک بیک یوز التمش ایکنجی و بیک التیوز قرق سکنجی ماده لری موجباً جه قسمت قضا ایله وقوع بولان تقسیمده تک مزار موقعنده کائن معلوم الحدود بر قطعه ترلا مدعی علیه عبدالله افندی یه و قالدی یولنده شیخ ارضرومی افندی وقفی مستغلاتندن معلوم الحدود بر، و درت خندک موقعنده کذا معلوم الحدود برک جمعاً ایکی قطعه ترلا شایعاً و مشترکاً تصرف اولتی اوزره خدیجه و هاجر خاتونلره و بوزورک صوینی یعنی شعبانی موقعی نام محله کان معلوم الحدود بر قطعه ترلا دخی مشترکاً و متساویاً تصرف اولتی اوزره حمیده و زلیخا خاتونلره اصابت ایتمکله مدعی مزبوره لری حصص مصدیه لری اولان مذکور اوچ قطعه ترلا یه مدعی علیه عبدالله افندی منع مداخله سنه مزبوره لری زمانه طابو سندی اعطاسنه دائر غیاباً ویریلان اعلام علیهنه مزبور عبدالله افندی بالاعتراض مرور زمان و ایجار سندی حقنده کی بیاناتنک نظر تدقیقه الیاسی و سند مذکورک مضمونی دخی اثبات ایتدیرلمکسزین حکم ایلمسی یولنده کی ادعاسنک حکم غیابی رد و جرح ایدر اسبابدن اولدیغندن ردیله اعلام غیابی مذکورک تصدیقه دائر و جاهاً ویریلان اعلامک عند الاستیناف تصدیقی تضمن ایدن اعلام مومی الیه عبدالله افندی طرفندن وقوع بولان مراجعت و استدایه منی تمیزاً تصحیح طریقله بالتدقیق مدعابه ترلارک مشترکاً آخره ایجار اولدیغنی یولنده مدعیله طرفندن درمیان اولنان ادعانک اثبات

ایتدیرلماسندن و بوجهت ثابت اولدیغنی تقدیرده مدعی علیه طرفندن سرد اولنان مرور زمان مسئله سنک تدقیق اولنماسندن طولانی نقض و اعاده ایلمسی اوزرینه محکمه استینافیه جه تکرار اجرا قلنان محاکمه و تدقیقات نتیجه سنده مدعی علیه مومی الیهک مبرز ایجار سننده موضوع مهر کندوسنک اولدیغنی اولجه حضور محکمه ده اقرار و اعتراف ایلدیکی حالده مؤخرأ تحویل لسان ایله مذکور مهرک خبری اولقسزین انشسته سی طرفندن وضع و تختم ایلمش اولدیغنی یولنده کی مدافعه سی شایان التفات کوریه مدیکندن و بناءً علیه مرور زمان مسئله سنک دخی تدقیقه محل اولدیغندن اعلام مستأنف بهک کافی السابق تصدیقه دائر محکمه مذکور دن صادر اولوب مدعابه اراضی مرور زمان حدینه بالغ مدتنبو مستقلاً تحت تصرفنده بولدیغنی و بناءً علیه مدعیله طرفندن اقامه اولنان دعوانک مرور زمان نقطه سنده ردی لازم کله چکی و مبرز ایجار سندی زیرینه موضوع مهر کندوسنک ایسه ده انشسته سی نزدنده امانه محفوظ بولدیغندن معلوماتی اولقسزین مرقوم طرفندن وضع و تختم ایلدیکی حقنده عند المحاکمه درمیان ایتدیکی دفعلرک تدقیقندن صرف نظر اولنسنک مغایرت قانونیه سنندن بجهتله مومی الیه عبدالله افندی طرفندن تمیزاً تدقیق استدعا قلنان و اضرائی تضمن ایتدیکی هیئت عمومی جه قرار گیر اولان اعلام بالتدقیق مدعی مومی الیه مذکور ترلارک مورثلرندن انتقال ایتدیکنی سالف الذکر ایجار مقاوله نامه سنده و سندن زیرنده کی مهر کنیدیسنک اولدیغندن عند المحاکمه بیان و اعتراف ایلدیکی جهتله مرور زمان ادعاسنک مرتفع و اجرا قلنان تقسیمک اصولنه موافق اولسنه بناءً اعلام مذکورک تصدیقه قرار ویرلدیکی متضمندر.

متسدری تصحیح طرفندن اعطا قلنان استدعانک خلاصه مالی مبرز ایجار سننده مدعابه درت قطعه ترلادن یالکز اوچ قطعه سنک پدرلرندن انتقالی مندرج و بناءً علیه سننده داخل اولمیان برقطعه ترلا حقنده کی دعوانک مرور زمان نقطه سنندن عدم استماعی مقتضی و قضاء تقسیمده هر حصه نک آیری آیری تقریق و افرازی قانوناً مشروط و ترلاردن بری زراعت باقهنه مرهون بولونتی حسیله تأدییه دین ایلمکجه تقسیم غیر جائز اولدیغنی حالده بوجهتله بدایه و استینافاً نظراً بتباره آلمدیغنی کی محکمه تمیز هیئت عمومی سنجه دخی بالتدقیق اعلام استینافینک تصدیق ایلمش بولنسی جهتیله مذکور تمیز قرارینک تصحیحی طلبندن و لایحه جوابیه مؤداسی ده اجرای معدلت استرحامندن عبارت بولونمشدر.

ایجابی مذاکره اولندقه سالف الذکر اعطا قلنان تصحیح قرار عرفخالنده اولسایده کی ایجار سندی نه استناداً دعوی واقعه ده مرور زمان اولدیغنه قرار ویرلمش اولوب حالبوکه مذکور ایجار سندی منازع فیه درت قطعه ترلادن اوچ قطعه سنه منحصر اولسنه کوره ایجارده داخل اولمیان بر قطعه ترلا حقنده کی ادعانک مرور زمان نقطه سنندن عدم استماعی درکار ایکن محکمه تمیز هیئت عمومی سنجه بو جهتدن ذهول اولتمقله برابر تقسیمک دخی اصولی دائره سننده و احکام قانونیه یه موافق صورتده اجرا قلنمدیغنی و بناءً علیه تمیز به اولان اعلام استینافی شایان نقض بولدیغنی حالده بو جهتله بالتدقیق اعلام مذکورک تصدیقه قرار ویرلمسک

قانونه مغايرتندن بحت اولمش ولى التدقيق مذکور ترلانك دخى مورثلى متوفاك اولدينى حالده باقىيه مروهون بولدينى تحت اقرارده اولمىسنة بناء شو صورتله مرتفع اولان مرور زمان ادعاسنك تكراريله درميان اولنان سبب تصحيح غير وارد بولمش ايسده مدعا به ترلارك احكام قانونيه دائره سنده قسمت فرد ايله تقسيم اولنه رق هر حصه دارك حصه مصيبه سنك تفريق وتسليمى مقتضى ايكن محكمه جه تقسيمك قسمت جمع ايله اجرا اولمىسك قانونه مغايرتدنناشى حكم استينافينك بو نقطه دن دخى تصديق جهته كيدلمىسنة اصابت قانونيه اولمىسك آ كلاشلمش و بناء عليه بو بابده كي اعتراض وارد وموافق نفس الامر بولمش اولمىسنة مبنى اصول محاكمه حقوقيه قانونى ذيلك قرق التجي ماده سنك سكرنجي فقره سنه توفيقاً سالف الذ كر تصحيح قرار عرضحالنك بوندن دولاي قبوليله و دائره اعلامنك شويولده تصحيحيله ذكر اولنان حكم اخيراستينافينك سبب قبول وجهله اصول محاكمه حقوقيه قانوننك ايكوز اوتوز ايكنجى ماده سى موجبجه نقضه وكيفيتك بالرؤيه اعلامه ربطى ضمننده محكمه مذكوره به اعاده سنه وتصحيح قرار جزاي نقديسى اولان بش ايرانك ده مستدعى تصحيحه رد واعاده سنه واشبو تميز دعراستندن دولاي اختيار اولنان زيرده مفردات ومقطعى محرر مصارفك ده ايلروده حقسنز چيقه جق طرفه عائد اولمىسنة ۱۸ مارت سنه ۳۲۸ تاريخنده هيئت عموميه جه اكثر يتله قرار ويرلدى .

محكمه تميز هيئت عموميه سنده صادر اولده ۲۴ مابى سنه ۳۲۸ تاريخى و ... نومردى اعلام صورتيه :

« مدعيلر مياننده قاصر بن موجوديتي كي قانونك مرور زمان جريانه مانع وشوتى حالده نتيجه حكمه حاز تأثير اولان اعذار شرعيه نك تدقيقدن ذهول ايله برابر طرفينك اثبات تصرف صاددنده متقابلاً سند خاقانى ابراز ايتش اولمىسنة نظرا سندات مذكوره نك درجه حكم وقوتلرخى موازنه امرنده سبب رجحان تصریح ايتكسز بن مدعيلر طرفندن مبرز سندنك ابطال حكمنى منتج متررات اخذى مس تلزم نقض اولديغنه دائر »

ارزنجان سنجاغنه تابع قورى چاي قضاسنك حكمچورت قريه سى اهالى سندن بكر اوغلى نظيف و ابراهيم اوغلى عثمان وشريف اوغلى طورسون ايله قوچكيري قضاسنك بوز ويران قريه سنده ساكن متوفى مصطفى پاشا زاده عاليشان بك ييننده متكون دعوايه دائر محكمه تميز هيئت عموميه سندن تصديق متضمن صادر اولان ۳۰ نيسان سنه ۳۲۵ تاريخ و بوز يتش نومرولو اعلام عليهنده مرقومون نظيف ورفقاسى طرفلرندن اعطا قلنان تصحيح قرار عرضحالنك مدت قانونيه سى طرفنده اعطا وجهله شرائط ن اولان بش ايرا جزاي نقدينك ديپوزيتو صورتيله وزنيه تسليم وايفا ايدليكي آ كلاشيله رق بر صورتى ديكر طرفه تبليغ اولندقدن وجواب لايحه سى آ لندقدن صكره اوراق متفرعه سيله برلشديريله رك تدقيقات تميزيه اجرا سنه ابتدار قلندى .

اعلام مذکور مندرجاتنه نظراً مرقومون نظيف ورفقاسى ايله مومى اليه عاليشان يينلرنده متحدث اراضى دعواسنك بدياً جريان ايدن محاكمه وتدقيقاى نتيجه سنده مدعيلردن متوفى ابراهيمك حال حياتنده مبرز غير رسمى برقطعه سمد موجبجه اورنانى پاره دينككه معروف متصرف اولدينى معلوم الحدود برقطعه ترلانك بيك ايكي بوز غروش ومرك اوكي موقعنده كائن بر قطعه ترلانك دخى عثمان اوغلى بكرك ورثه سى وصيتى وزوجه سى حافظه قادين طرفندن بشيوز غروش ثمن مقابلنده مومى اليه عاليشان بك ترهين ايدليكي كي ورثه مرقومونك مومى اليه عاليشان بك بيك يدى بوز غروش بورجلرى اولدينى دخى وقوع بولان اقرارلريله تبين وتحقق ايتمىسنة بناء مجله نك يدى بوز اوتوز ايكنجى وارضى قانوننامه سنك الى ايكنجى ماده لرى موجبجه مرقومونك بر منوال محرر دينلرى اولان بيك يدى بوز غروشى تأديه وايفا ايلدكلى تقديرده مروهون ايكي قطعه ترلانك مومى اليه عاليشان بكدن استرداديله مدعيلردن تسليمه دائر صادر اولان اعلام غياني حكمنه مومى اليه عاليشان بك طرفندن اعتراض اولنه رق و جاها جريان ايدن محاكمه وتدقيقات نتيجه سنده مروهون ايكي قطعه ترلانك متوفى مصطفى پاشا و عاليشان بك ناملرينه مقيد اولوب اوتوز سنه دنبرو بلا نزاع مومى اليهم طرفلرندن تصرف اولنه كلكده ايدوكى مبرز ايكي قطعه طابو سندن مندرجاتيله ثابت اولمىسنة بناء مجله نك بيك آتى بوز آلتش ايكي و بيك يدى بوز اوتوزنجى وارضى قانوننك يكرمنجى ماده لرى احكامنه توفيقاً اعلام غيبياتنك فسجيله معترض عليك ادعالتنك ردينه وسالف الذ كر ايكي قطعه ترلارلرينك مومى اليه عاليشان بك عهدهلرنده ابقاسنه دائر صادر اولان اعلام تميزاً بالتدقيق معترضلرك ابراز ايتدكلى سند وادعا ايلدكلى حق قرار طابو تعليماتنك سكرنجى بنندنه محرر اسبابدن برينه استناد ايتديريله سى ومدعيلر مياننده قاصر بولندينى حالده مرور زمانه اعتبار اولونمايى ومدعيلر نژدنده سندن موجود ايكن بركونا اسباب درميان ايدلكسز بن سندن حكمنك ابطال ايديله سى خصوصلرينك مغايرت قانونيه سندن ناشى نقض واعاده قلمسى اوزرينه محكمه مذكوره جه تكرار اجرا قلنان محاكمه وتدقيقات نتيجه سنده اسباب موجب قانونيه سرديله حكم سابق منقوضده ثبات واصرارى متضمن ويريلان اعلامك عندالتميز هيئت عموميه جه تصديقه قرار ويرلديكى آ كلاشلمشدر اشبو حكم عليهنده مستدعى تصحيح طرفندن ويريلان عرضحالده محكمه ابتدائيه جه منازع فيه ترلارك باطابو وبلا نزاع اوتوز سنه دنبرو مدعى عليه طرفندن تصرف ايدليكي ثابت اولمىسنة مبنى مدعى عليه مرقوم عهدهلرنده ابقاسيله مرور زماندن دولاي دعوالرينك ردينه قرار ويرلمش اولوب حالبوكه مدعى عليك حق قرار ادعاسيله ابراز ايتديكى سند طابو تعليماتنك سكرنجى بنندنه محرر اسبابدن برينه استناد ايتديرلمديكى جهته شايان التفات اولمىسنة كي كنديلرى آره سنده قاصر ينك موجوديتى مرور زمان وقوعنه مانع ويدلرنده كي سند خاقانى حكمنك بلاسبب قانونى ابطالى غير جائز اولديغندن اسباب مذكوره اعلام ابتدائيك نقضى استلزام ايتديكى حالده تصديقه قرار ويرلمش و مخالف قانون اولديغندن بحثله اعلامك نقضى طلب واستدعا ايدلمش ولايحه جوابيه مؤداسى دخى اعتراضات مسرودمك غير وارد اولدينى بيانيله ردى وموافق اصول وقانون اولان اعلام مذكورك تصديقى طلبندن عبارت بولمشدر .

ایجابی مذاکره اولدوقده مرقوم نظیف ورفقاسی طرفلرندن اعطا قلنان تصحیح قرار عرفالنده محکمه ابتدایه جه منازع فیه ترالارک باطایو وبلانزاع اوتوز سنه دن برو مدعی علیه طرفندن تصرف ایدلدیکی ثابت اولمسه مبنی مدعی علیه مرقوم عهد سنه ابقاسیله مرور زماندن دولای دعوالرینک ردینه قرار ویرلمش اولوب حالبوکه مدعی علیه حق اقراری ادعاسیله ابراز ایددیکی سند طایو تعلیماتک سکزنجی بنده محرر اسبابدن برینه استناد ایتدیرلمدیکی جهتله شایان التفات اولمدیگی کبی کندیلری آره سنده قاصرینک موجودیتی مرور زمان وقوعه مانع ویدلرنده کی سند خاقانی حکمنک بالاسبب قانونی ابطالی غیر جائز اولدیغندن اسباب مذکوره اعلام ابتدائیک نقضی استلزام ایتدیکی حالده تصدیقه قرار ویرلمسک مغایرت قانونیه سندن بحث اولمش ولدی التدقیق مدعی علیه اثنای محاکمه منازع فیه ترالره جسدندن انتقالاً تصرف ادعاسی درمیان ایتک حسبیله بوجهته معطوف سبب تصحیح شوصورتله مرتفع و غیر وارد بولمش ایسه ده مدعیار میاننده قاصرین موجودیتی کبی قانوناً مرور زمان جریاننه مانع وثبوتی حالنده نتیجه حکمه حاز تأثیر اولان اعداز شرعیه نک تدقیقندن ذهول ایلر برابر طرفینک اثبات تصرف صدنده متقابلاً سند خاقانی ابراز ایتمش اولمیه نظراً سندات مذکوره نک درجه حکم وقوتلری موازنه امرنده سبب رجحان تصریح ایدلمکسزین مدعیار طرفندن مبرز سندک ابطالی حکمنی منتج مقررات اتخاذی اصول وقواعد قانونیه ایلر غیر قابل تألیف ایکن دائره جه حکم ابتدائیک بونقطه لردن دخی تصدیق جهتله کیدلمسده اصابت قانونیه اولمدیگی ومع هذا اولجه ویریلان لایحه تمیزیه ده موضوع بحث ایدلمش اولان احوال مسروده نک دخی مسکوت عنه بر اقلمش اولدینی آکلاشلمش وبناء علیه بونقطه لره تماس ایدن اعتراضات وارد وموافق نفس الامر بولمش اولمسه مبنی اصول محاکمه حقوقیه قانونک ایکی یوز الی دردنجی ماده سیله ذیل قانونک قرق التنجی ماده سنک سکزنجی فقره سنه توفیقاً سالف الذکر تصحیح قرار عرفالک یالقول هیئت عمومیه اعلامک بوصورتله اصلاحه واصل مذکورک ایکی یوز قرق طقوزنجی ماده سی حکمنه توفیقاً سبب قبول وجهله اعلام میزینک نقضه وتصحیح قرار جزای تقدیمی اولان بش لیرانک ده مستدعی تصحیح ردواعاده سنه وزیرده مقررات ومعطیه یی محرر مصارفک ده ایلروده حقسزجبقه جق طرفه عاذاولمسه ۲۴ مایس سنه ۳۲۸ تاریخنده هیئت عمومیه ده کثرتله قرار ویرلیدی .

برایت محکمی حقوقی دائره ای عدلیاتی

مرسین سفاغی برایت حقوقی محکمه سنه ۲۷ مایس سنه ۳۲۷ تاریخ و ۵۳ نومرولی اعلام صوریه :
اطنه ده مقیم دوققور عوادیس نقاشیان امضاسیله مرسین بدایت حقوق محکمه سنه ویریلان ۲۵ کانونائی ۳۲۶ تاریخلی مرسینک استاسیون جوارنده کائن عوادیس کلبنکیان مادامه سی شوشه نیک خانمله مشترک یعنی اون ایکی حصه ده یدی حصه سنه متصرف اولدینی شرقاً مانولیان افندی مادامه سی ورژین غرباً شمندوفر

اراضی شمالاً شمندوفر انباری جنوباً طرسوس جاده سیله محدود بیک ایکوز زراع عرصه سنک شرق جهتندن درتیوز زراع مقدارینه تجاوز ایتمش بولنان مانولیان مادامه سی ورژین خانمک جلیله بالحاظه مداخله ومعارضه سنک حقیله حال اصلیمسه ارجاعی استعدا اولمشی اوزرینه علی الاصول تمین قلنان ۹ مارت ۳۲۷ تاریخنده کی چهارشنبه کونی طبقات محاکمه ایجاب ایدنلره محاکمه ومرافعه وخصامیه مأذون اولدقلرینی تضمن ایدن حامل اولدقلری وکالتنامه عمومیه لینه مستنداً مدعی طرفندن ارام ومدعی علیه طرفندن بدوسا کی افندیلر بالوکاله کلرلیله محاکمه علنیه وجاهیه ابتدارله دعوی عرفالی اوقوندقندن صکره صورت ادعا ومدافع لری عندالاستفسار مدعی وکیل هوز مشترکله مشاع بولنان عرصه نک جهت شرقیه سندن درتیوز زراع محله تجاوز وقوع بولمش ایدوکنی بالادعا اثبات مدعا ضمیمه قرق بش نومرولو ومایس ۳۲۶ تاریخلی بر قطعه سند خاقانی ابراز ایتمکه اوقوتدیرلیدی . مالی مدعینک سندی مرسین جوارنده شرقاً مانولیان مادامه سی ورژین خانم غرباً شمندوفر اراضی شمالاً شمندوفر انباری جنوباً طرسوس جاده سیله محدود بیک ایکوز زراع عرصه نک اون ایکی حصه ده یدی حصه سی دوققور عوادیس افندی نقاشیان نامنه مقید اولدینی متضمن بولمغه مدعی علیه وکیل مدعینک عهده تصرفنده بولنان عرصه نک مشاعاً مشترک بولمسه کوره متباقی حصه شایعه نک متصرف سی ایلر برلکده اقامه دعوا ایتدیکه مدعیه موکله سی خصم اوله میه جغندن استعداسنک ردینی طلب مدعی وکیل ده مذکور عرصه هوز تقریق ایدلماش اولدینه کوره تجاوز اولنان مقدارک هر جزنده مؤکلتک حق دعواسی موجود بولمش اولدیغندن مدافع نک ردیله اساس دعوایه جواب اعطاسی لازم کله جکتی ادعا ایتلریله بالانامل مدعینک حصه سی هوز تقریق ایدلماش وبناء علیه متصرف اولدینی معین حصه شایعه سیله مدعی علیه به خصوصت قانونیه سی درکار بولمش اولدیغندن مدافع نک ردینه متفقاً قرار ویریلرک بعدالتفهیم مدعی علیه وکیل مدعی اولجه تجاوز وقوع بولدینی ادعا ایدیلان درتیوز زراع عرصه نک اکالی حقسنده مشترکی کلبنکیان مادامه سی خانم علینده اقامه دعوا ایتمش ایکن شمدی موکله سندن طلب ایتسی حق واحدک ایکی کشیدن آرو آرو طلب واستیفا ایدلمسی نوعندن معدود بولمش اولدینک دعوانک استماعی لازم کله جکتی تذکار مدعی وکیلده وقوع تجاوزی تضمن ایدن دعوا حاضر ایلر حصه شایعه سنک تقسیمنی دعوان عبارت بولنان وشوشانیک خانم علینده اقامه ایدیلان دعوی آره سنده برکونا مناسبت اولدیغندن مدافع نک ردینی طلب ایتمکه اول امرده اولبابده کی دعوی اوراقنک بولدیریلر ق طرفین مواجهه سنده قرائت ایتدیرلمسی ضمیمه محاکمه لری ۱۲ مارت سنه ۳۲۷ تاریخنده کی جمعه ایرتسی کونه تعلیق قلنشیدی .

مؤخرأ یوم معین مذکورده طرفین وکیلاری کلرلیله هیئتندن تبدل وقوعه مبنی ضبط سابق اوقوندقندن ومندرجاتی تحت تصدیقه آلدیرلقدن صکره بالتحریر بولدیریلان محاکمه ضبطنامه سی اوقونه رق خلاصه سی مدعینک مشترکی شوشانیک قادینه متصرف اولدقلری بیک ایکوز زراع عرصه نک اجرای تقسیمی طلبندن عبارت ایکن الی ماه مدته تعقیب ایدیلر مامسی حسبیله ابطالنه قرار ویرلمش اولدینی محتوی بولمغه طرفین

وکیللری ادعا و مدافعات سابقه لرینی تکرار ایتلرله بالتأمل مشاعاً مشترک اولدقلری عرصه نك قضاء تقسیمه
تضمن ایدن دعواى سابقه نك دعواى حاضر ايله برکونا علاقه و مناسبتی اولدیغیندن بوابده کی مدافعه نك
ردیله دوام محاکمهیه متفقاً قرار ویریلرک بعدالفهیم مدعی علیه وکیل موکله سی سندخاقانی موجبجه درتیوز
زراع عرصهیه تصرف ایتکده اولوب الیوم تصرفده بولان مقدار ایسه آنحق بومقداری تضمن ایتکده
بولدیغنه کوره موکله ی قطعاً تجاوز ایتماش اولدیغنی بالادعا ۴۰ نومرولو و ۱ شباط سنه ۳۲۲ تاریخلو
برقطعه قید خاقانی ابراز ایتکده اوقوتدیرلرک مالى مرینک فرنک محله سنه شرفاً مانوئلیان اغوب افندی
غرباً کلبکیان شمالاً شمندوفر انباری جنوباً طرسوس جاده سیله محدود درتیوز زراع عرصه مانوئلیان
اغوب افندی مادامه سی ویرژن خام نامه مقید اولدیغنی متضمندر طرفین وکیللری حقیقت مسئله نك
عند الکشف مساحه سی تقدیرنده تظاهر ایده جکنی بیان ایتکده بالتذکر طرفینک مستند ادعا اولق اوزره
متصرف اولدقلری عرصه نك کشفی و مساحه سی ضمنده طرفینک اهل وقوف انتخاب ایلمی لزومه متفقاً
قرار ویریلرک بعدالفهیم مدعی وکیل اهل وقوفلری مطبوعه جی ماردیروس موسیدیجیان و مدعی علیها وکیلده
عثمان افندی زاده غالب بك اولدیغنی ایتیان ایتلرله اهل وقوف مومی الیه مالک معلومانه بالمراجعه کشف
و مساحه ایدیلرک نتیجه حاصله نك باراپور محکمه یه انبایى ضمنده هیئتدن اعضا ملازمی عاصم افندی نك نائب
ویارم ایرا اجرتلده شمندوفر قومیسری صلاح الدین بکک مساح تعیینه و بوابده کی اجرتله تذکره خرج نك
اول امرده مدعیدن اخذینه متفقاً قرار ویریلرک بعدالفهیم محاکمه لری ۲۶ مارت سنه ۳۲۷ تاریخنده کی کونه
تعلیق قلمشیدی .

مؤخرأ یوم معین مذکورده طرفین وکیللری بالورود هیئتدن بدل وقوعه منی ضبط سابق اوقوندقندن
ومندرجاتی تحت تصدیقه آلدقندن صکره نائب طرفندن ویریلان راپور اوقوندی مالى قرار محکمه دائره سنه
اجرای کشفی ضمنده ۱۳ مارت سنه ۳۲۷ تاریخنده محل منازع فیه وارلش طرفین وکیللری ايله مدعینک
اهل وقوفی ماردیروس موسیدیجیان ايله مساحه مأموری صلاح الدین بك کلش اولدقلری حاله مدعی علیه
وکیل اهل خبره سی بولن ان غالب بك مرسینده اولدیغنی جهته حاضر بولنه مدیغندن مدعینک اهل وقوفی
حضور یله کشفیات لازمه یه لدی الابدان مومی الیه ماردیروس افندی مدعینک مشترکله عهد تصرفده بولان
محل بیک ایکیوز زراعدن عبارت اولدیغنی بیان ایتدکن صکره مساحه مأموری صلاح الدین بك طرفندن
عند المساحه مدعی علیها نك خانه یری و آرقه سنه کی عرصه سی بیک ایکیوز اوتوز سکیز واوکنده کی پانکت
دخی یتش بش لیرا و مدعی ايله شریک نك مدعی به یابدیرمش اولدیغنی پارمقلغه قدر اولان محل یدییوز الی
التي و پارمقلق ايله خانه آره سنه کی محله درتیوز اوتوز و مدعینک عرصه نك شوسه کناری اولوب پانکت
تعبیر ایدیلان محله ۱۳۱ زراعدن عاری اولوب سندخاقانیلرده کی حدودک حدود حاضر یه موافق اولدیغنی
متضمن اولدیغنی کورملکله مدعی علیه وکیل افاده شفاهیه مقامنده ۲۶ مارت سنه ۳۲۷ تاریخلی راستدنامه

ویرمکله اوقوتدیرلدی مالى مؤکلنک اهل وقوفنک بولنه مومی برمعذرت مشروعه یه مستند ایکن حاضر
بولنه مدیغنی حاله مالکیز برطرفنک اهل وقوفی استماع ایدیلرک اوکا مستند راپور ویرلمی و دعوی موکله سیله
مدعی آره سنه بولدیغنی جهته اصل اجرا قلمه جق کشفنک طرفین عرصه سنه حصری اقتضا ایدر ایکن
بونى تجاوزله مانوئلیان افندی نك خانه سنک ده مساحه ایدلمی و راپورک محله تنظیم ايله طرفینه امضا ایتدیرلمی
اقتضا ایدر کن بعد الکشف یوم محاکمه ده و نائب مومی الیه انفصالندن صکره تنظیم ایدلمی منافی قانون بولنش
اولدیغندن یکیدن کشفی طلبی متضمن اولغله مدعی وکیل مدعی علیها اهل وقوفی کتوره مامش اولدیغندن
بالتبع کشفنک تأخیری جهته کیدیه یه جکی کبی کشفنک مسوده سی محله بالتظیم امضای تکلیف ایدلرک
استماع ایدلمش و مانوئلیان افندی نك خانه سنک مساحه سی مسئله سی ایسه اظهار حقیقت ایچون ایفا ایدلمش
اولوب چونک مانوئلیان عرصه سیله زوجه سنک عرصه سی زوج ايله زوج ییتنه اولق اعتبار یله بالتوحید
قسماً اینه انشا ایدلمش اولدیغنی و مع هذا مجموع عرصه ایکی بیک درت یوز آرشوندن عبارت اولق اوزره
مؤکلی ايله مانوئلیان مشترکاً اشترا ایدلمش و فقط سبق ایدن تکلیف اوزرینه سکیز یوز آرشونی مانوئلیان
نامه و درتیوز آرشونی زوجه سی نامه ویدیوز آرشونی خولسریان زوجه سی نامه و بشیور آرشونی ده مؤکلنک
شریکی کلبکیان زوجه سی نامه فراغ ایدلمش اولوب بعده خولسریان زوجه سی ده مؤکله فراغ ایلش اولدیغنی
و بوده فارغ دوقتور یاووحی طرفندن و قبل الافراغ اساس مقاوله یی تضمن ایدن سند مندرجایله تحقیق ایده جکنی
بالیان دوقتور یاووحی امضالی و ۲۶ کانون ثانی سنه ۹۰۷ مقاوله سندینک درت کیمسه طرفندن صورت
غیر رسمیه ده تصدیق ایدلمش برقطعه صورتی ابراز ایتکده مالى شمندوفره ملاصق طریقک مبدی اولان
قلبدن بدأ شمندوفر انباری حدودینه قدر طولاً و شوسه بانکه نندن بدأ اوله رق بالمساحه برجهتدن
حدودی شمندوفر انباری و دیگر جهتدن طرسوس شوسه سی و برجهتی شمندوفر اراضی و دیگر جهتی دخی
کندی اراضی سیله محدود اولق اوزره ایکی بیک درتیوز آرشون اراضی نی طرفندن بالاحاله و حصه دارلری
طرفندن بالوکاله بهر آرشونی رایج اچه ۳۰ غروشه دن عوادیس افندی کلبکیان و اغوب مانوئلیان افندی لره
صاهره بدلی اولان یتش ایکی بیک غروشه مقابل یوز عثمانلی لیراسی آلدیغنی متضمن کورملکله لدی التذکر
مدعی وکیل طرفندن مدعی علیها نك زوجی مانوئلیان افندی نك متصرف اولدیغنی عرصه نك مجموعی ایکی بیک
درتیوز آرشوندن عبارت اولق اوزره یاووحی و شرکاسندن بالاصاله و بالوکاله سکیز یوز آرشونی مانوئلیان
افندی یه و درتیوز آرشونی زوجه سنه ویدیوز آرشونی خولسریان زوجه سنه و بشیور آرشونی ده کلبکیان
زوجه سی نامه فراغ ایدلرک صکره خولسریان زوجه سنک متصرف اولدیغنی یدییوز آرشون عرصه یی مؤکلی
نامه فراغ ایدلمش اولغله برابر عقد واقمک ده حدود اعتبار یله دکل زراع اعتبار یله وقوعبولش اولدیغنی
درمیان ایلکده اولسنه نظراً جهات سائره سی بعده تذکر اولحق اوزره اول امرده مجموع عرصه حقنده
اول و آخر وقوعبولان عقدک حدود اعتبار یله یی یوقسه زراع اعتبار یله یی وقوعبولش و مانوئلیان افندی

نامه مقید اولدینی در میان ایدیلوبده مدعی علیهاک عرصه سیله توحید ایتدیریلرک اوزرینه انشا ایدیلدی
بیان ایدیلان عرصه نك قاج آرشوندن عبارت اولدینك دفتر خاقانی دائره سندن باتد کره استفسارینه وتد کره
خرجنك ده اول امرده مدعیدن اخذینه بالافتاق قرار ویریلرک محاکمه لری ۲ نيسان سنه ۳۲۷ تاریخچه
تعلیق قلمشیدی .

یوم معین مذکورده طرفین وکیللری بالورود دفتر خاقانی اداره سندن ورود ایدن جواب لدی القرائه
دفتر خاقانینك جواب مالی شرقاً کهیاان غرباً ویرژین خانم شمالاً شمندوفر انباری جنوباً طرسوس جاده سی
ایله محدود سکیز یوز زراع مانوئلیان اغوب افندی شرقاً مانوئلیان اغوب افندی غرباً کلبشکیان مادامه سی
شمالاً شمندوفر انباری جنوباً طرسوس جاده سی ایله محدود درتیوز زراع مانوئلیان مادامه سی ویرژین خانم
غرباً شمندوفر اراضی شمالاً شمندوفر انباری جنوباً طرسوس جاده سی ایله محدود بیک اکیوز زراع
اون ابکی حصه ده یدی حصه سی دو قوتور نقاشیان عوادیس افندی و بش حصه سی ده شوشانیک خانم ناملرینه
مقید اولوب هر برینك فارغندن افرازا تفرغ ایتش اولملرینه نظراً تصرف لری آرشون اعتباریله اولدینی
اکلاشلمقده اولدینی متضمندر طرفین وکیللری ادعا ومدافعات سابقه لری تکرار ایتلریله بالتد کر نائب
طرفندن ویریلان راپور مندرجاتنه نظراً محکمه نك قراری دائره سنده مدعی علیه طرفندن اهل خبره
بولدیرلمقیزین کشفیات لازمه اجرا ایدلمش وبوایسه هم محکمه قرارینه وهمده اصول محاکمه منافی بولنش
اولدینندن کشف سابقك کائن لم بکن عدیله دفتر خاقانی اداره سندن جلب ایدیلان قید موجبجه تطبیقات ومساحه
لازمه نك اجرا سیله محکمه طرفندن منتخب اهل وقوفك معلوماتنه بالمراجعه نتیجه حاصله نك انبای و ذی الید
ینه نك محکمه استماعی ضمننده اعضا ملازمی آصف افدینك نائب و اتفاق طرفینلر مرین بلدییه مهندسی
واهرام افدینك مهندس تمیننه متفقاً قرار ویریلرک بالتفهیم محاکمه لری ۴ مایس سنه ۳۲۷ تاریخنده کی
چهارشنبه کونه تعلیق قلمشیدی .

یوم معین مذکورده طرفین وکیللری بالورود نائب طرفندن ویریلان راپور بالقرائه مالی اجرای کشف
ضمننده محل منازع فیه واریله رق طرفین وکیللری آرام و بدوساکی افدیلرله اهل وقوف حاید طلوجیان
اجزاجی نظرت و کهیاان مهران افدیلر حاضر اولدقلری حالده کشفیات لازمه یه لدی الابددار مدعی
مومی الیهک مشاعاً متصرف اولدینی عرصه سی شمالاً غرباً شمندوفر شرقاً مانوئلیان مادامه سی عرصه لری
جنوباً طریق عام ایله ومدعی علیهاک اولدینی بیان ایدیلان مدعابه عرصه ده شرقاً مانوئلیان خانه سی شمالاً
شمندوفر غرباً نقاشیان جنوباً طریق عام ایله محدود اولدینی کورلدکن صکره مدعی وکیل مدعابه محله
مدعی علیهاک ذی الید اولدینی فرنك محله سندن طلوجیان حاید وجامع شریف محله سندن اجزاجی نظرت
افندی رجیان ایله اثبات ایده جکئی حصراً بیان ایتسیله منفرداً عندالاستمهاده شمالاً شمندوفر غرباً نقاشیان
جنوباً طریق عام شرقاً مانوئلیان خانه سی ایله محدود مدعابه عرصه یه الیوم مانوئلیان مادامه سی ویرژین

خانك ذی الید اولدینغه لوجه اه شهادت ایدلکن صکره بلدییه مهندسی واهرام افندی طرفندن طرفینك
عرصه سیله مدعابه عرصه ومانوئلیان افدینك خانه سی عندالمساحه بولردن نقاشیان افدینك مشترك عرصه سی
مجموعی جهت جنوبیه سنده کائن اولوب عندالمساحه اکیوز اون سکیز آرشوندن عبارت بولان بانکت
خارج اولدینی حالده طقوز یوز سکسان طقوز آرشون ومانوئلیان افدینك خانه سی جهت شمالیه سنده کی
یوز اونوز سکیز آرشون عرصه سی داخل وجنوب جهته کی بانکت خارج اولدینی حالده بیک اکیوز یکریمی
درت واشبو محل آره سنده کی مدعابه محله کذلک جنوب جهته کی بانکت خارج اولدینی حالده درتیوز یدی
ارشوندن عبارت بولدینی اکلاشلمقندن صکره اهل وقوف نظرت افندی ایله حاید افدینك معلوماتنه
لدی المراجعه الی سنه اول دو قوتور باووحیدن اشترا ایدلمش اولان مدعابه محکمه جهت غربیه سنده کائن
اولان پارمقلق شمدیکی محکمه ۳، ۴ آرشون جهت شرقیه سنده کائن ایکن مدعی علیها طرفندن
اوج سنه اول الیوم بولدینی محله وضع ایتدیرلمش اولدینی بیلر سنده کیمه عائد اولدینی بیلمدکلرینی
ومدعی علیه وکیل طرفندن احضار ایدلمش اولان اهل وقوف کهیاان مهران افندی ده مدعابه محکمه مانوئلیان
افدینك اولدینی بیلرک تجاوز وقوعبولوب بولمادینی بیلمدیکی ونائب مومی الیهک مطالعه سی ده هرایکینك
عرصه لری عندالمساحه فضاه برمقداری محتوی اولدینی کی مدعی علیهاک زوجنك عرصه سیله کندی
عرصه سی اوزرینه انشا ایتدیرلمش اولدینی خانه نك جهت غربیه سنده یعنی مدعابه محله ناظر اولان جهته
متعدد قیو ونخیره وبالقون اولدینغه کوره محل منازع فیهک طریق محلی اولق اوزره برقسم عرصه سی موجود
اولدینی اکلاشلمقده اولدینی متضمن اولغله بالتدقیق ذی الید شاهدلری دعوا یه موافق صورته ادای شهادت
ایتش اولدقلرندن قبوللریله اجرای تذکیر لری لزومه متفقاً قرار ویریلرک بالتفهیم محاکمه لری ۲۴ مایس
سنه ۳۲۷ تاریخنده کی جمعه ایرتسی کونه تعلیق قلمشیدی .

یوم معین مذکورده طرفین وکیللری بالورود ورود ایدن تذکیر ورقه لری بالتدقیق شاهدان مومی الیهماک
عدل ومقبول الشهاده اولدینی محرر بولغله علانی مذکی اولق اوزره کتیریلان دعوی وکیل بهرام واسرائیل
افدیلردن دخی علناً لدی التذکیر ینه عدل ومقبول الشهاده اولدقلری اکلاشلمقندن صکره مدعی وکیل بانکت
تعبیر ایدیلان محل اساساً طریق عائد اولوب موکلنك مشترکاً بیک اکیوز آرشوندن عبارت اولق اوزره
متصرف اولدینی عرصه سی عندالمساحه طقوز یوز سکسان طقوز آرشون ظهور ایتش ومدعی علیها ایله
زوجنك عرصه سی اساساً فضله برمقداری محتوی بوللق صورتیله اوجیوز یکریمی زراع محله تجاوز ایتش
اولدقلری اکلاشلمش اولدینندن استردادینی ادعا ومدعی علیها وکیل ده مدعابه محل مؤکلنك با سند خاقانی
متصرف اولدینی درتیوز زراعی محتوی اولمقده اولدینی کی فضله ظهور ایدن مانوئلیان افدینك عرصه نك
محل مدعابه علاقه سی اولمادینی ومع هذا مدعینك عرصه سی صورت مساحه یی تضمن ایدن مقاوله ده محرر
اولدینی اوزره بانکت مبیعه داخل اولدینی حالده بیک اکیوز زراعتن فضله بولنش اولدینندن دعوانك

ردینی طلب ایتیمه قارشی مدعی وکیل مذکور سندده بویه بر قید اولدیغنی در میان ایتیمه له مقاوله مذکور کورده نک ابرازی ضمننده محاکمه لری ۱۸ مایس سنه ۳۲۷ تاریخده کی چهارشنبه کونه تعلیق قلمشیدی .

یوم معین مذکورده طرفین وکیلاری باورود هیئتدن تبدل وقوعه منی ضبط سابق اوقوندقدن ومندرجاتی تحت تصدیقه اندقدن صکره مدعی علیه وکیل طرفندن ابراز ایدیلان ۸ نیسان سنه ۳۲۷ تاریخی سند اوقوتدیریلهرق مالی مرسینک استاسیون جوارنده کهایان شوسه طریق شمندوفر عرصه سیله محدود مانوئلیان وزوجه سی ورژین خام ودوقتور نقاشیان وکلنکیان عوادیس افندی وزوجه سی شوشانیک خانمک متصرف اولدقلری عرصه مجموعنک شمندوفر پارمقلنی وطریق کنارینه قدر بالاده کی حدود داخلنده عمومی مساحه ایدلکدن صکره روستنده بنا پارمقلق دیوار وپول جهنده قالان قسمی دخی اورو کوسترنک اوزره مهندس واهرام افندی بی مساح تعیین ایتدکاری متضمن اولمقله عندالسؤال طرفین وکیلاری وافادات سابقه لری تکرار وبشقه دیه جنکری قالدینی اکلشامقله ختام محاکمه تفهیم قلمهرق یوم محاکمه لری ۲۱ مایس سنه ۳۲۷ تاریخده کی کونه تعلیق قلمشدر .

یوم معین مذکورده ایجاب کیفیت لدی المذاکره جریان ایدن محاکمه وتدیقات کشفیه نتیجه سنه نظراً مانوئلیان ومادامه سی ورژین خام ایله دوقتور نقاشیان عوادیس افندی وشوشانیک خانمک تحت تصرفلنده بولان عرصه نک مجموعی اوچ قطعه سند خاقانی موجبجه ایکی بیک درتیوز ارشوندن عبارت اولمق اوزره اشترا وضرغ ایتیم اولدقلری دفتر خاقانی اداره سندن مورود قید خاقانیدن اکلشلمش ومدعی وکیل طرفندن صورتی ابراز ایدیلوبده طرز بیع ومساحه بی تضمین ایدن بایع باووجی امضالی سند مندرجاتیه صورت مساحه بی متضمن ومتقابلاً ویریلان سند اوزرینه تنظیم ایدیلان خریطه مفادینه نظرآده بانکت تعبیر ایدیلوبده طرفینک عرصه لری داخلنه المق ایتدکاری طریق فضله سنک خارج بولندینی تحقق ایتیم وطرفینک مجموع عرصه لری ایکی بیک التیوز یکرمی بر ارشون اولوب مدعی دوقتور نقاشیان افندی ایله شریکی شوشانیک خانمک متصرف اولدقلری عرصه بانکت خارج اولدینی حاده طقوز یوز سکسان طقوز ارشون اولدقدن بشقه اجرا قلدان کشف اثنا سنده مدعی علیها طرفندن اثنا ایدلمش اولان پارمقلنک اولجه حال حاضرده کی موقعندن ۳، ۴ ارشون جهت شرقیده کائن ایکن بوندن اوچ سنه اول غیری طرفه یعنی شمیدیکی موقعنه نقل ایدلمش اولدینی اهل وقوفک جمله افاداتندن اکلشلمش ایدوکنه کورده مدعینک زراع اعتباریه اشترا ایتیم اولوب بالمساحه طقوز یوز سکسان طقوز ارشوندن عبارت بولنان عرصه نک زراع اعتباریه وسند خاقانی موجبجه بیک اکیوز ارشوندن عبارت بولنان مقدار اصلیه ارجاعی ضمننده اقتضا ایدن اکیوز اون بر ارشون عرصه سنه بصورتله تجاوز وقوعولمش اولدینی ثابت اولمش ایدوکندن مجله نک بیک سکز یوز اون سکزنجی ماده سی موجبجه مدعی علیها نک مدعی ایله شریکنک بوجه قید خاقانی عهدۀ تصرفنده بولندینی اکلشیلان سالف الذکر اکیوز اون بر ارشون عرصه یه اولان مداخله ومعارضه سنک

منعنه وزیرده مفرداتی مرقم غروش مصارف محاکمه نکده مدعی علیها یه حادیتیه قابل استیناف اولمق اوزره وجاهاً ومتفقاً ۲۱ مایس سنه ۳۲۷ تاریخده قرار ویریلهرک علی الاصول تفهیم قلمدی .

محکمه تمیز حقونه دائره مندره صادر اولان ۱۸ نیسان سنه ۳۲۸ تاریخ و ۲۸ نومردی اعلام صورته در :

« مدعینک عرصه سی سند رسم سنده محرر مقداردن نقصان ومدعی علیها نک یدنده بولنان عرصه نک ده فضله ظهور ایتیم مدعی علیها نک مذکور فضله بی مدعیدن غضب صورته له آلمش اولدینی اثباته کافی ادله قانونیه دن اولدیغنه دأر »

آطنه ولایتیه تابع مرسین قصبه سنده مقیمه مانوئلیان اغوب وزوجه سی ورژین خام ایله اطننده مقیم دوقتور عوادیس نقاشیان افندی بینه منکون دعوا یه دأر مرسین سنجانی بدایت محکمه سندن ۲۷ مایس سنه ۳۲۷ تاریخی واللی اوچ عدلیه ویریلوب مدت قانونیه سی ظرفنده مزبوره ورژین خام طرفندن تمیزاً تدقیق استدعا قلدان اعلام طرفینک اعتراض وجواب لایحه لریله برابر بالمطالعه تدقیقات تمیزیه اجراسنه ابتدار اولندی .

اعلام مذکور مندرجانه نظراً مومی الیه عوادیس نقاشیان افندی محکمه مذکوریه باعریحال مراجعتله مرسینک استاسیون جوارنده کائن عوادیس کلنکیان مادامه سی شوشه نیک خانمک مشاعاً ومشترکاً اون ایکی حصه ده یدی حصه سنه متصرف اولدینی یعنی معلوم الحدود بیک ایکی یوز ذراع عرصه سنک شرق جهتندن درتیوز ذراع مقدارینه تجاوز ایتیم بولنان مانوئلیان مادامه سی ورژین خامک مداخله ومعارضه سنک منعی طلب ودعوی وبر قطعه سند خاقانی ابراز واعطا ومدعی علیه وکیل دخی مدعینک عهدۀ تصرفنده بولنان عرصه نک مشاعاً مشترک بولمنسه کوره متبای حصۀ شایعه نک متصرفه سی ایله برلکده اقامۀ دعوی ایتدکه مدعیه موکله سی خصم اوله میه جفندن استدعا سنک ردینی مدافعه بیان وانبا ایتیم اوزرینه جریان ایدن محاکمه وکشف وتدیقات نتیجه سنده مانوئلیان ومادامه سی ورژین خام ایله دوقتور نقاشیان عوادیس افندی وشوشانیک خانمک تحت تصرفلنده بولنان عرصه نک مجموعی اوچ قطعه سند خاقانی موجبجه ایکی بیک درتیوز ارشوندن عبارت اولمق اوزره اشترا وضرغ ایتیم اولدقلری دفتر خاقانی اداره سندن مورود قید خاقانیدن اکلشلمش ومدعی وکیل طرفندن صورتی ابراز ایدیلوب طرز بیع ومساحه بی تضمین ایدن بایع باووجی امضالی سند مندرجاتیه صورت مساحه بی متضمن ومتقابلاً ویریلان سند اوزرینه تنظیم ایدیلان خریطه مفادینه نظرآده بانکت تعبیر ایدیلوبده طرفینک عرصه لری داخلنه المق ایتدکاری طریق فضله سنک خارج بولندینی تحقق ایتیم وطرفینک مجموع عرصه لری ایکی بیک آتی یوز یکرمی بر ارشون اولوب مدعی دوقتور نقاشیان افندی ایله شریکی شوشانیک خانمک

متصرف اولدقلری عرصه بانکت خارج اولدینی حلاله طبقوز یوز سکسان طبقوز آرشون اولدقدن بشقه اجرا قلنان کشف اثناسنده مدعی علیها طرفندن انشا ایدلمش اولان پارمقلنگک اولجه حال حاضرده کی موقعندن اوچ ، درت آرشون جهت شرقیده کائن ایکن بوندن اوچ سنه اول غرب طرفنه یعنی شمیدیکی موقعنه نقل ایدلمش اولدینی اهل وقوفک جمله افادانسدن آکلاشلمش ایدوکنه کوره مدعینک ذراع اعتباریله اشترا ایلش اولوب بالمساحه طبقوز یوز سکسان طبقوز آرشوندن عبارت بولنان عرصه سنک ذراع اعتباریله وسند خاقانی موجبجه بیک ایکی یوز آرشوندن عبارت بولنان مقدار اصلیسنه ارجاعی ضمنده اقتضا ایدن ایکی یوز اون بر آرشون عرصه سنه بصورتله تجاواز وقوع بولمش اولدینی ثابت اولمش ایدوکندن مجله نیک بیک سکز یوز اون سکزنجی ماده سی موجبجه مدعی علیها نیک مدعی ایله شریکنک بروجه قید خاقانی عهدۀ تصرفده بولندینی آکلاشیلان سالف الذکر ایکی یوز اون بر آرشون عرصه یه اولان مداخله ومعارضه سنک منغه حکم وقرار ویرلدیکی آکلاشلمشدر

اشبو حکم علیهنده مستدعیۀ تمیز طرفندن ویریلان لایحه تمیزیه ده اوراق کشفیه ده عرصه لرینک هیئت عمومیه سی قوجانلرینسه تطابق ایلدیکی ومنذ کور ایکی یوز اون سکز آرشون محل ایچون مانع تصرف بر بیانانده بولنمدینی وتصرفی مشعر قوجانده کوستریلان درتیوز آرشونک دخی مساحه سی قوجانه موافق واستناد ایتدیکی سند خاقانی تزویردن سالم ومقدم اولدینی حلاله بر کونا اسباب ثبوتیه یه مستند اولیان سالف الذکر باووص سندی صورتی دینیلان ورقه نیک قیود خاقانی یه ترجیح ایدلمسی یولسز ومغایر اولدیغندن وافادات سائردهن بمحله اعلامک نقضی وجواب لایحه سی مؤداسی دخی اعتراضات مسروده نیک غیر وارد ایدوکی بیانیله ردی وموافق اصول وقانون اولان اعلام مذکورک تصدیقی استدعاسندن عبارت بولنمشدر .

ایجاب کیفیت مذاکره اولندقدن مخصوص مدعا هر نه قدر برمنوال محرر بالرؤیه اعلامه ربط اولنمش ایسه ده مدعینک عرصه سی سند رسمیسنده محرر مقداردن نقصان ومدعی علیها نیک یدنده بولنان عرصه نیک ده فضله ظهور ایتسی مدعی علیها نیک مذکور فضله یی مدعیدن غصب صورتیله آلمش اولدینی اثباته کافی ادله قانونیه دن اولدیغنه کوره محکمه نیک کرک اصول محاکمه ده وکرک مجله ده مندرج اسباب حکمدن برینی استحصال ایدک اولوجهله حکم اعطا ایتسی لازم کلیرکن بو جهتار نظر دقتیه آلمیه رق بر وجه مشروح قرار ویرلمسی یولسز ومغایر قانون اولدیغندن اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام مذکورک فضله قانون مزبورک ایکی یوز قرق دردنچی ماده سی حکمنه توفیقاً کیفیتک تکرار بالرؤیه اعلامه ربطی ضمنده محکمه مذکوریه اعاده سنه واشبوتیمیز دعواسندن طولانی اختیار اولنان مصارف مفرداتی زرده کوسترلمش اولدیغندن بولنلرکده ایلروده حقسنز جیه جق طرفه عائد اولسنه ۲۱ نیسان سنه ۳۲۸ تاریخنده متفقاً قرار ویرلدی .

قانون مجرای

طبقوزنجی مبحث

عین تابعیتده بولنان اجنبیلر آره سنده متحدث جرایمدن دولایی

تعقیبات وتحقیقات وتدقیقات اجرا سنه

وظیفه دار اولان موقع

« کچن نسخه دن مابعد »

المانیا . نالک شرقیه ده کی قونسولانولرینک وظائفی مبین اوله رق المانیانک ۱۸۷۹ ده نشر ایتمش اولدینی قانون فرانسه وبلجیقا قانونلرندن مقتبس اولمقله برابر ادرلرنده مهم فرقلر واردر . فی الواقع تاریخ مزبورده ممالک عثمانیه ده بو کونکی قدر المان موجود اولمادیغندن ، بوراده بولنان تبیه سی حقسنده المانیا حکومتی ام الوطن metropole قانونلرینی حرفیاً تطبیق ایتک مسلکینی اختیار ایلشدر .

المان جزا قانوننده جرائمک قباحت وجنحه وجنایت اولق اوزره اوچه تقسیمی اساسی قبول ایدلمش اولدینی جهتله ، ممالک عثمانیه ده بولنان المانیا تبعه سنک ایقاع ایتدیکی افعال جنائیه دن حائز اهمیت بولنانلرینک فصل ورؤیتی امرنده انحق ایمراطورلق محکمه سیله المانیاده واقع جنایت محکمه لری شوور کدریخت - (schwurgericht) وظیفه دار عدایداش وبالنسبه خفیف عدایدیلان جنایات ایله جنحه وقباحتلرک رؤیتی قونسولاتو محکمه لرینه تودیع قلمشدر . قونسولوس بروجه بالا وظیفه سی داخلنده اولان خفیف جنایت واغیر جنحه لری صاحب رأی ayant voix délibérative درت وخفیف جنحه لر ایله قباحتلری کذلک رأی صاحبی ایکی اعضا ایله رؤیت ایدر . بولنلر دن قبایحه متعلق اولق اوزره صدور ایدن مقررات درجه اخیره ده عد اولنور ؛ اما جنحه وجنایتلر حقنده اتخاذ اولنان قرارلر ایمراطورلق محکمه سنده قابل استینافدر .

المانیا قونسولوسلق قانونی هر نه قدر بعض مواد حقوقیه دن دولایی مدعی عمومیلک اساسی قبول ایتمش ایسه ده شرقیه متحدث افعال جرمیه ده بوندن تباعد ایدلمش اولسنه مبنی قونسولوس مواد جزائیه ده حق تعقیبی حائزوبنا برین مدعی عمومیلک وظیفه سنی اجرا ایله مکلفدر . مدعی شخصیلر دخی دوغربدن دوغری یه قونسولوسلق محکمه سنه بالمر اجمعه مظنون علیهنده اقامه دعوی ایده بیلور .

اوستریا . اوستریا قونسولانولرنده مواد جزائیة ایچون خدصرسی قانونلر اولمایوب انجق تعامله اتباع ایدیلور . تعامل اقتضاسنجده قونسولوس یا منفرداً ویا انجق رأی استشاری voix consultative یه مالک ایکی اعضا حاضر اولدینی حالده قباحتر حقنדה اعطای حکم ایدر ؛ جنجه و جنایتلر ایسه تحقیقات اولیه سی قونسولوس معرفیه بعدالاجرا مظنون علیهم محل تولدی اعتباریه صلاحیتدار اولان اوستریا محکمه لرنده رؤیت اولنور . قونسولوس مأمورلرنده حکم صلاحیتی موجود اولمایوب شوقدرکه دائره مأموریتلرنده براوستریالی طرفندن ایقاع ایدیان جریمه متدائر اطرافایجه بر تقرر تنظیم وتودیغه مجبور طوتلشلردر .

یونان . یونانستان قوانین جزائیة سی دخی جرائمک اوچه تقسیمتی قبول ایلش و مالک عثمانیه ده متمکن یونانیار بیننده تحدت ایدیان قباح افعالنک رؤیتی قونسولوسلره مودوع بولمشدر . اشبو مقرراتدن یونانستانده قابلیت استینافیه یی حائز عد ایدیلان قسمی بوراده دخی قونسولاتو محکمه لرنده استینافی قابلدردر .

بوراده بولنان بریونانلیک دیگر یونانی حقنדה ایقاع ایلدیکی جنجه لرلی درجه اولاده فصل ورؤیت ایتک اوزرده استانبول وازمیر واسکندریه ده برر بادیات محکمه سی تأسیس ایدلمشدر ؛ بو محکمه لریک رئیس لرلی ایلر برر اعضا لرلی حکومت یونانیه جه نصب ودیگر برر اعضا لرلی ده رئیس محکمه طرفندن تعیین قلدنور . بولنردن دوغریدن دوغری یه حکومتک انتخاب و تعیین ایلدیکی اعضا بو قسم افعال جرمیه ده مستطلق وقونسول ژنرال ویا قونسولوس ده مدعی عمومیک وظیفه سی ایضا ایلر . مذکور محکمه لریک بوباید اعطا ایده جک لری قرارلر قابل استیناف اولوب مرجع استیناف ده اتنه استیناف جنجه محکمه سیدر . محکوم علیه ، مدعی شخصی ، مسئول بالمال ومدعی عمومی حق استینافی حائزدر .

۱۸۹۳ تاریخنه قدر ممالک عثمانیه ده بولنان تبعه یونانیه بیننده حادث اولان بالعموم افعال جنائیة نک محاکمه سی اتنه جنایت محکمه سنده رؤیت ایدیلور ایدی . فقط اندن صوکره اسکندریه ده بر یونان جنایت محکمه سی تشکل ایتش اولغله خطه مصریه ده کی یونانیلرک ایقاع ایلدک لری جنایتلرک امر محاکمه سی اشبو محکمه یه تودیغ قلمش و ممالک سائرته عثمانیه ده یونانیلر بیننده وقوع یافته افعال جنائیة دن دولایینه اتنه جنایت محکمه سی وظیفه دار عد ایدلمشدر .

انکلتره ۷۰ تشرین ثانی سنه ۱۹۱۰ تاریخلی نظامنامه Order in Council احکامنه نظر آ ممالک عثمانیه ده ساکن انکلیزلر بیننده تکون ایدیان حقوق و جزا دعوالرینک رؤیت و تدقیق ضمنتده بر محکمه عالیة His Britannic Majesty Supreme Court for the dominions of the Sublime Ottoman Porte تشکیل قلمشدر . بو محکمه ده برحاکم وحین حاجتده برویا زیاده معاون حاکم assistant judge بولنور . حاکم ومعاون حاکم نفس انکلتره ویاسقوجیا ویاخود ایرلاندا بارولرندن برنده مقید ولا اقل یدی سنه خدمتی مسبوق اعضا میانندن انتخاب ایدیلور . اشبو محکمه اکثریادرسعادتده وبعضاده اسکندریه ده انعقاد ایدرسده حین حاجتده ممالک عثمانیه نک مواقع سائرته سنده دخی تشکل ایلیه بیلور . حاکم ایلر معاون حاکم آره سنده

اختلاف رأی حاصل اولورسه معتبر اولان حاکمک رأیدردر . دیگر طرفندن ممالک عثمانیه ایچون تعیین قلدن انکی انکلیز حاکمکن هربری عین زمان ایچون محال مغلفه ده محکمه عالیة Supreme Court تشکیل ایده بیلور . فقط ایکی حاکمک مجتمعا ومتحداً قول قورت (full Court) دنیلان مجلس مرافعه عقد ایتلری مقتضی بعض مسائلک اثنای رؤیتده هرایکی حاکم حاضر بولنور .

ولایات عثمانیه ده انکلتره سفیری طرفندن تنسیب قلدن موقعده حکومت مرکزیه طرفندن نصب وتعیین قلدن قونسول ژنرال ، قونسول ، ویس قونسول وازان قونسول لرل commissioned consular officer ولایات محکمه لرلی Provincial Courts تشکیل ایلیه بیلور وشوقدرکه بو قسم محکمه لر انجق معین بعض دعاوی نک رؤیتی وظیفه سیاه مکلف طوتیلور . بوندن ماعدا حکومت مرکزیه طرفندن تعیینی اجرا قلمنیا قونسولوس مأمورلری uncommissioned Consular officer ده سفیر طرفندن ویریله جک مآذونیت اوزرینه محلی محکمه local courts اطلاق ایدیلان آیری بر قسم محکمه لر تشکیل ایده بیلور لر .

محکمه عالیة کرک یالکیز و کرک ژوری و کرک اعضای معاونه ایلر ، ولایات محاکمی provincial courts یانفرداً ویا اعضای معاونه انضمامیه رؤیت دعوی ایدر . local courts ده ایسه ژوری ویا اعضای معاونه حاضر بولندیرلر قسزین منفرداً فصل خصومت ایدیلور .

یکرمی یاشنی تکمیل وانکلیزجه یی بحق تحصیل ایلش ومورث عاروججاب برجرمدن دولای محکوم اولامش هرا انکلیز ژوری اعضای jurors اوله بیلور . بونکله برابر انکلتره دولتی خدمتده بولانلر ، اطبا واجزاجیلر ، رؤسای روحانیه ، فکرا و جسماً معلول ویا خدمت دولت عثمانیه ده داخل اولانلر ژوری اوله مازلر . هیأت عدول jury بش کشیدن jurors مرکب اولوب بولنر مواد جزائیة ده هر حالده بالاتفاق قرار unanimous verdict وریرلر [۱] .

حسن شهرت صاحبی هرا انکلیز اعضای معاونه اوله بیلور . محکمه عالیة ده محکمه نک تنسیبیه برویا ایکی اعضای معاونه بولنه بیلیر . اما ولایات محکمه لرنده ایکیدن درده قدر اعضای معاونه حاضر بولندیریله بیلور . مع ذلک بردن زیاده اعضای معاونه بولندیرمغه امکان موجود اولمیان یرلرده تک اعضای معاونه ایلده محکمه انعقاد ایده بیلور ؛ حتی هیچ بر اعضای معاونه حضورینه امکان تحصیل ایتیان موقعلر ایچون قرارنامه ده اسباب وجبه سی تصریح ایتک شرطیه اعضای معاونه موجود اولمق سزین رؤیت دعوی تجویز قلدنور .

اعضای معاونه نک اراسی حکمده تأثیری غیر حائز وصرف استشاری بر صورتده واقعدر ؛ شوقدرکه محکمه نک قرارینه رأیاً مخالف بولنان اعضای معاونه اسباب مخالفتی ضبطنامه یه درج ایده بیلور .

جرم واقع قصد اقل murder قورصانلق piracy خیانت treason فعللرندن بری ایسه ژورینک حضوری مطلق اللزومدر . اما من غیر قصد قتل manslaughter ، دیوار وقاپو شکست ایتک کی بر صورتله خانه یه

[۱] ژوری مواد حقوقیه ده طرفینک رضایی انضمام ایتک شرطیه اکثریت majority ایلده رأی ویره بیلور .

دخول housebreaking ، قصداً ايقاع حريق arson ، ساخته کارلق forgery ، اراله بکر rape ، استعمال جبر و شدتله سرقت robbery with violence ، يالان يره يمين perjury جرم ملرينك و كذلك اوج آي خدمات شاقهده استخدام صورتيه حبس جزاسنى مستلزم جرائمك تدقيقات و محاکمات يازورى و يا خود اعضاى معاونه حضوريله اجرا قلنور و بويله ژورى و يا اعضاى معاونه حاضر اولدينى حالده جريان ايدجك محاکمات على قدر الامكان آز بر مدت ايجنده اتمام اولنور. اما محكمه عاليه دعواي طوغرىدن طوغرى به و مختصر بر طرز summarily در رؤيت ايدجك اولورسه بلا خدمات شاقه اوج آي حبس و بكمى ايرا جزاى نقدیدن زياده به حكم ايدمىز .

تحقيقات اوليه preliminary examination به كنجه : كندينه عرض شكات اولنان حاكم شكات واقعه يى اسبابلى عد ايتدكه اول كندينك وظيفه دار اولوب اولماديقى و ثانياً دعوانك ژورى ايله مى ويا اعضاى معاونه ايله مى حلى ايجاب ايله جكنى تدقيق و بويكى جهتي حل ايتدكدن صوكره تحقيقات اوليه به شروع ايدر . تحقيقات واقعه نك نتيجه سى مظنون اوفلك فاعلى اولديغه متدائر ايسه حاكم تعقيب دعوى ايدن prosecutor و شاهد witness صفتنده بولنان كيمسه لرى محكمه به جلب ايجون مقتضى تدابيرى اتخاذ ايلر . شايد بولر محكمه به كلوبده تعقيب دعوى ويا اداى شهادتدن امتناع ايدر و كنديلرى ده انگلين تابعيتنده بولنورلر ايسه حاكم ختام دعوايه قدر انلرى حبس ايدمىلور ؛ مع ذلك دعوانك ختامندن اول محكمه نك دعوتنه صورت اجابت كوسترلر ويا دعوى مظنونك لهنه ختام بولورسه بولنرك تخليه سبيللرى bail اجرا قلنور . فاما تعقيب دعوى ايدن ويا شاهد صفتنده بولنان كيمسه لر انگلتره دولتى تابعيتنده دكللر ايسه بالطبع بوجه بالا حبسلرى جهته كيديله مىز .

حقنده احضار مذكوره سى warrant صادر اولان مظنون قرق سكر ساعت ظرفنده حضور حاكمه چيفارمله ليدر . مدت موقوفيت يدى كوتى تجاوز ايدمىز ؛ مكره محكمه به ، خدمتها اون درت كون اولق اوزره ، مظنونك بوندن ده فضل بر مدت موقوف قالمسنة لزوم كوريله .

قصداً قتل و خيانت فعللرندن دولاي موقوف بولنان مظنونلرك تخليه سبيلنه محكمه عاليه به قرار و بويله بيلور . بولنردن ماغدا جرايمك بر قسمنده تخليه سبيل مجبورى و ايقاع فساد viot مثلى بعض جرايمده اختيار ايدر . طشره محكمه ليله محلى محكمه لرك رد ايتديكى تخليه سبيل مستدعياتى حقنده محكمه عاليه برقرار و بويله بيلور . تخليه سبيله نائل اولق ايجون محكمه به تعيين و تقدير ايديلان مقدارى تأميناً ، كفيل اوله جق ذات محكمه نك دائره قضاسى داخلنده بولنق شرطيله ، يا كفالت ماليه ارأه ويا اومباني نقداً ده پو ايتك ايجاب ايلر .

بالاده اقسامى ارأه اولنه محكمه لرك تعيين ايدمىلر جكلى مجازاته نقل كلام ايدلده : بولنردن محكمه عاليه بشيوز ليرايه قدر جزاى نقدى و بكمى سنيه قدر خدمات شاقهده استخدام صورتيه حبس imprisonment with hard labour جزاسى حكمنه صالحدر . ولايات محكمه لرى ده اون ابكى آيدن زياده

اولماق اوزره عاديّاً حبس و يوز ليرايه قدر جزاى نقدى حكم ايدمىلورلر . محلى محكمه لر ايسه يالكنر ايش ليرا جزاى نقدى حكم ايله بيلور . محكمه عاليه مدعى شخصى لهنه اوله رق اللى انگلين ايراسنه قدر تضمينات و مقدارى هر نهدن عبارت اولورسه اولسون مال مسروقت تضمين بدلنه و مصارف محاكمه به حكم ايدمىلور . ۱۰ كر بر جزا دعواسنك اضرار مقصديله malicious ويا براساس صحيحه مستند اولقمىز frivolum اقامه ايدلديكى تحقق ايلرسه اقامه دعوى ايدن كيمسه اللى ايراني تجاوز ايتامك اوزره تضمينات ايله محكوم و بالطبع مصارف محاكمه به ده تسويه به مجبور اولور .

قصداً قتل ويا اعدامى موجب ديكر بر جرم ايقاعيله مظنون اولان كيمسه علمنده محكمه عاليه به اجرا قلنان تدقيقات و محاکمات ۱ كمال وانك اشبو جنائتك فاعلى ايدوكى تحقيق قلندقدن صوكره رئيس محكمه نك امريله اعدام جزاسنه محكوم ايدلسنه قارشو برديه جكى اولوب اولماديقى صوريلور ؛ ۱ كر كنديسى انگلتره مالككند بولنسيدي شوفعلدن دولاي حقنده جزاى اعدام تطبيق ايدليه جكى يولنده جوابه متصدى اولورسه اوصورتده محكمه به تقرر ايدن اعدام جزاسى سجل محكمه به قيد record ايديلوب تفهيمى اجرا قلنماز ؛ الحق قرار مذكور و او ابادمى محاكمه ضبطنامه سى رئيسك مطالعه نامه سيله برلكده انگلتره به Secretary of State اسرا و اوراچه ايجابى اجرا اولنور .

محكمه عاليه بر مجرم حقنده صدور ايدن حبس قرارينك انگلتره مالككند افازينى تشيب ايدجك اولورسه محكوم مالطه ، جبل طارق ، عدن و بومباي كې انگلتره حكومتك مناسب كوره جكى بر محله اعزام واوراده حبسه القا اولنور .

استينافه كنجه : محكمه عاليه دن ويا ولايات محكمه لرندن صدور ايدن حكملرك استينافاً تدقيق ضمننده فول قورت (Full court) . مراجعت اقتضا ايدر . استيناف ايجون معين بر مدت اولمايوب انحق حاكم اعطاي حكم ايتديكى صروده نه قدر بر مدت ظرفنده استيناف دعوى ايديله بيله جكنى تقدير و تعيين ايلر . مستأفف اسباب استينافيه سنى تحريراً حكمى اعطا ايدن محكمه به توديع و حكم واقع در سعادتك غيرى بر محله متشكل محكمه عاليه دن صدور ايتديكى تقديرده اوراق استينافيه نك در سعادته ارساله ولايات محكمه لرى توسط ايدر . فول قورتك اتخاذ ايدجك قرار استيناف استندعاسنك عدم قبولنه متدائر اولورسه بدايت حكمى تصديق ايدلمش عد اولنور ؛ اما قرار واقع مذكور استندعاسنك قبولنه متعلق بولنورسه محاكمه يكيدين كساد و دعوى مجدداً رؤيت و تدقيق و نتيجه ده حكم ابتدائى يافسخ ويا تعديل قلنور . فول قورتده محاكمه استينافيه علناً اجرا و طرفين استماع اولنور ؛ شو قدر كه محكمه لزوم كوردكده نقصان براقلمش اولان بر جهتك آتماي و مثلاً هر ناصلسه استماع ايدلمش بولنان شهودك استشهاده ضمننده ايشى تكرار بدايه اتخاذ قرار ايليان محكمه به اعاده ايدمىلور .

آمریقا . ۱۸۶۳ تاریخچه در سعادت آمریکا سفیری ادوارد جوی موریس Edward Jony Morris طرفندن مواد حقوقیه و جزائییه متدائر اوله رق ترتیب و تنظیم و موقع اجرایه وضع اولنان نظامنامه [۱] موجبجه آمریقالیلر علیه بر جرمدن دولای و قوع بولان اخبارات informations و شکایات complaints مخبر informant ویا مشتکی complainant طرفندن ممضی اوله رق اک یقین موقعه کی قونسولوسه تودیع اولنه جقدر. آمریکا تبعه سی طرفندن ممضی بولنیلان ویا مواد جنائییه متعلق اولان اخبارات و شکایات، موضوع بحث اولان جرمک و قوعنه بالذات مطلع ویا اخبارات و شکایاتک صحته مطابقت اولدینی قونسولوس جانبندن تصدیق authenticated ایدلمکجه مظلونک توقیفی استلزام ایتیه جقدر .

علیهه جزا دعواسی اقامه ایدیلان بر آمریکا تبعه سینه نوع جرم حقنه کندی لسانیه اخبار سبق ایتدیکجه تعقیبات اجرا ایدلیه جقدر. دعوی trial نك اثنای دایمانده مظلونک شخصاً حضوری personal presence لازمدر. مظلون، لهنه شاهد witness اقامه ایتک ایسترسه مؤنت و کفایت کندینه عائد اولمق اوزره شوطایی اسعاف اولنور؛ فقط قونسولوس شاهدلر ایچون ایجاب ایدن مصارفی تسویه مظلونک مقتدر اولمادیغه قناعت کتیرسه احوالده مذکور مصارفی آمریکا حکومتی تحمل ایلر .

مظلون جزای تقدیه fine محکوم اولورسه بونک عدم تأدیسه تقدیرنده وتوز کوندن اکسیرک اولمق اوزره حبس اولنه بیلور. جزا دعوالرنده کی مصارف محاکمه نك دخی بوضورتله تسویه سی قابلدر . توقیف ایدیلان بر مظلونک تخلیه سبیلی قونسولوس طرفندن اجرا ایدلیه بیلور؛ فقط آغیر جنایات Capital offence ایله متهم بر موقوفه تخلیه سبیلی تجویز قلمناز . محکومیت Conviction قرارندن صوکره استیناف دعوی appeal و قوع بولورسه انحق سفیر ویا قونسول ژنرال طرفندن محکوم علیه تخلیه سبیلی حقنه برقرار اتخاذا اولنه بیلور . تخلیه سبیله نائل اولمق ایچون یا تقدیر و تعیین قلمناز مقداری تقدراً دهو ایتک ویا بونک ضعفه برامریقالی کفیل بالمال اولمق ایجاب ایلر . بر مخبر ویا مشتکی ویا خود مدعی شخصی prosecutor اقامه سینه کندیسنک سبیت ویردیکی دعوانک بالمله مصارفی بوجه پیشیر تسویه دعوت اولنه بیلور . اما اوخبر ویا مشتکی ویا خود مدعی شخصی امریقا تبعه سی اولمادیقی تقدیرده ، حقیقتک تظاهری ضمننده قونسولوسک آخر صورتی تنسیب ایتمش بولنیشی مستثنا اولمق اوزره ، اشبو مصارف هر حالده کندیسندن طلب ایدیلور و تسویه دن امتناعی حالنده تعقیباته شروع قلمنز .

اخبار ویا شکایت بر اساس صحیحدن بعید ویا قصد اضرازه مقارن اولوبده نتیجهده مظلونک برانته قرار ویرلش بولنورسه مصارف محاکمه نك کافه سی مخبر ویا مشتکی ویا خود مدعی شخصی به تحمیل ایدیلور. اهمیتسنز [۱] اشبو نظامنامه ۱۸۶۳ تاریخچه در سعادت لوانت هرالد غزته سی مطبوعه سنده Rules for the consular courts of the United States of America in Turkey عنوانیه طبع ونشر ایدلش و کرک حقوق و کرک جزا دعوالرینک اصول محاکماتیه قونسولوسلرک وظائف اداره وسائر سندن باحث ۱۱۲ ماده یی شامل بولنشد .

جرائم offences minor ده قونسولوسک صلاحاً تسویه مصلحته صلاحیتی واردر . آغیر جنایتلرک غیری جرایمه دعوی ایچون مرور زمان مدتی آلتی واهمیتسنز جرایمه بر سندهر . در سعادت ، از میر ویروده جزا ایشلرینی بدایه رؤیت ایدر برر قونسول ژنرال واردر . دیگر طرفندن ممالک عثمانیه نك مختلف موقعلرنده سینه مواد جزائییه درجه اولاده رؤیتله مکلف سکر قونسول موجوددر . ازان قونسوللر ایه پک خفیف واهمیتسنز جرایمی رؤیت وفصله صالحدر .

بدایه صادر اولان مقررات علیهه اقامه ایدیلان دعوی استینافی در سعادته امریقا سفیری فصل وحسم ایدر .

ایران . ۲۱ ذی القعدة سنه ۱۲۹۲ و ۸ کانون اول سنه ۱۲۹۱ تاریخچه سفارت ایرانیه ایله نظارت جلیله خارجییه بیننده قرارلشدیر بلان مقاوله نامه نك یدنجی ماده سنده « تبعه ایرانیه بیننده تگون ایدجک هر نوع دعاوی و منازعات ایران شهنبدر و شهنبدر وکیللری معرفتیه تسویه اولنه جق یعنی تبعه ایرانیه بیننده کرک حقوقه و کرک قباحت و جنجه و جنایتیه متعلق تگون ایدجک هر نوع دعاوی و منازعات ایران شهنبدر خانلرینه عائد اولدیغندن فصل وحسمی و ترتیب جزالری و معاملات سائرلری اورایه بر اقیله جق ایه سده اعمال جزائییه نك حین صدورنده فاعلاری ضابطه مملکت معرفتیه اخذ و توقیف اولندقدنه تابعیتلری حقنه واقع اوله جق افاده لری اوزرینه در سعادته ایران سفارتی و طشره لده شهنبدر خانلرله بالخبره تبعه بحیحه ایرانیه دن اولدقلری تحقق ایدلیکی حلاله انلره تسلیم قلنه جقدر و بو مثللو خصوصاً سده شهنبدر و شهنبدر وکیللری حکومت بحلیه به مراجعتلرنده مظهر معاونت اوله جقلارد « دنیلیم سینه نظراً ایکی ایرانی بیننده منکون بر جرمدن دولای اجرا قلنه جق تعقیبات و تحقیقات امرنده ایران قونسول تولری صلاحیتدار عد ایدلشد . کرچه مذکور مقاوله نامه نك برنجی ماده سنده « ممالک دولت علیهه بولنان تبعه ایرانیه جنایت و جنجه و قباحتیه متعلق کافه خصوصاً سده دوغریدن دوغریه قوانین و نظامات دولت علیهه و بلا واسطه ضابطه و محاکم سلطنت سینه یه تابع اوله جق و فقط بند رابعده ذکر اولندینی وجهله بو ماده دولت ایرانیه مأمورلرینک ایران تبعه سی اوزرنده اولان حق حمایتلرینی اخلال ایتیه جکندن صورت صریحه وعلیهه وقوعه کلان جنایات فعللرینک تحقیقات و مجازاتی کماکان بلا واسطه ضابطه و محاکم دولت علیهه اجرا اولنمق اوزره بو مقوله جنایات علیهه و مشهوده دن ماعدا جنایات و جنجه و قباحتیه متعلق افعالندن برینک اسنادیه اخذ و توقیف اولنان ایرانلونک احوال صحیحه سی اکلا شلمق ایچون حقنه اجرا قلنه جق تحقیقات اولیده تهمتی ویا برائت ذمتی ظاهر اولنجه به قدر کرک در سعادته و کرک طشره لده ایران شهنبدر و شهنبدر وکیللرینک بالذات وبالواسطه حضوریه انضمام وقوف و معلوماتلری جائز اوله جقدر دیو مسطور بولنشی حسبیه ایکی ایرانی بیننده متحدث جرائم مشهوده دن دولای ضابطه و محاکم عثمانیه نك بالاستقلال ایفای وظیفه ایدجکی و جرایم مشهوده نك غیر یسنده حق تعقیب و محاکمه سینه حکومت عثمانیه عائد اولوب شوقدر که

تحقيقات اوليه اثباتنده ترجمانك حضوري تجوز قلنه بيله چكي مستدل بولمقده و بنابرین اشبو ماده نك دلالتيه یدنجی ماده نك صراحتی تعارض ایتكده ایسه ده دلالت ايله صراحت تعارض ایتكده صراحتك موجبیه عمل اولمق قواعد کلیه ایجاباتدن اولسنه مبنی برنجی ماده یی برطرف عثمانی و دیگر طرف ایرانی اولمق صورته حصر و تخصیص ایدرك ایکی ماده بینتی توفیق و تألیف ایتدیكمزده فعالیت و تطبیقانه مطابق بر نتیجهیه واصل اولورز .

ایمندی ممالك عثمانیه ده ایکی ایرانی ارسنده بر جرم تکیون ایتكده ضابطه عدلیه من تعقیبات و تحقیقاته شروع ایدر فقط طرفینک ایرانی بولند قلابنه صورت محققده مطلع اولدقدن صوکره اوراق تحقیقیه ايله برلکده فاعل جرمی قونسولانویه تسام ایدر ؛ قونسولاتوده تحقیقات و قعیه یی کافی کوررسه معامله متعاقبه یی انك اوزرینه بنا ، کورمزه کندیس اکیاله توسل ایلر . اما ضابطه عثمانیه دن اول شهیندرخانه قواصلری وقوع جرمه کسب اطلاع ایتشمار ایسه تحقیقات اولیه انلر طرفندن اجرا و اوراق قونسولاتویه تودیع قانونر . در سعادت ایران شهیندرخانه سنده بر مدعی عمومی و بر مستنطق و برده بدایت محکمه سی واردر . مدعی عمومیلکدن تودیع قلنان جنبه افمالی حقنده مستنطقه ججه اجرا قلنان تحقیقات لزوم محاکمه یه منجر اولورسه اشبو قرارنامه و اوراق متفرعه سی محکمه یه اسرا قلنور . بر موظف رئیس ايله تبعه ایرانیه میانندن منتخب ایکی فخری اعضادن متشکل بولان محکمه بزم اصول محاکمه یه مشابه بر طرزده تدقیقات اجرا و نتیجه ده برائت و یا محکومیت قراری اعطا ایلر .

مذکور محکمه دن صادر اولان مقرراتك مرجع استینافی اولمق اوزرده در سعادت ایران سفارتخانه سنده بر موظف رئیس و معتبران ایرانیه ارسندن منتخب درت اعضادن مترکب بر استیناف محکمه سی تشکیل قائمشدر . اشبو استیناف محکمه سی مقرراتی قطعی و قابلیت تمیزیه یی غیر حائزدر .

جرم واقع جنایت درجه سنده اولدینی صورتده ایسه سالف الذکر مستنطق اکیال ایلدیکی تحقیقات نتیجه سنده مظنونك اوفعلك فاعلی اولدیغنه دادر دلائل و امارات کوررسه اوراق دعوانك ، قونسولاتو محکمه سی رئیس ايله موظف درت اعضادن متشکل هیأت اتهامیه . تودیعنه قرار ویرر . هیأت مذکور دخی مدار اتهام اوله جق دلائل و اماراتی موجودعد ایتدیکی تقدیرده مظنونك اتهامنه قرار اعطا و مضبطه اتهامیه ايله اوراق متفرعه سی تبریز و یا طهران جنایت محکمه لرندن برینه سوق واسرا و دیگر طرفدن متهم در دست ایدیه بیلیمش ایسه انی ده اوراقیله برلکده اورایه اعزام ایلر .

طشره لره کلنجه : طرزون ، از میر ، بغداد و بصره کبی بعض یرلرده شهیندر خانلره مربوط بدایت محکمه لری واردر ؛ صورت مخصوصده محکمه تشکیل قلنمیان مواقعه ایسه شهیندرک تحت ریاستنده ایکی فخری اعضا ايله تشکل ایلان محکمه لر جنبه درجه سنده کی افعال جرمیه نك محاکمه یی اجرا ایدر . طشره محکمه لرندن صادر اولان مقرراتك مرجع استینافی ایسه در سعادت قونسولاتو محکمه سیدر .

ولایاتده ایکی ایرانی بیننده متحدث افعال جنائیه نك تحقیقاتی محلی شهیندر خانه سنجه بالا اجرا هیأت اتهامیه یی سوجه کافی دلائل تحصیل ایتكده کیفیت در سعادتده متشکل هیأت اتهامیه یه تودیع قلنور .

تذنیب

قونسولاتو لرك كنری تبعه لرینی اعاده و تبعیره صدمه ییتمری اولوب اولدینی حقنده در

بو مبسته متعلق اولمق اوزره ایکی مسئله یی موضوع بحث ایتك ایجاب ایدركه انلرده اعاده مجرمین extraditum و طرد و تبعید expulsion دن عبارتدر . فی الواقع بر ملک اجنیه ده بر جرم ایقاع ایتدکن صوکره ملک عثمانیه ده داخل اولان بر کیسه یی انك منسوب بولندینی قونسولاتو در دست ایدرك محل ایقاع جرم اولان مملکته اعاده یه مقتدرمیدر و كذلك بر اجنیه نك ممالك عثمانیه دن طرد و اخراجنه منسوب بولندینی حکومتجه لزوم حس ایدیلورسه قونسولاتو او اجنیه یی جبراً ملک عثمانیه دن اخراجه قادرمیدر ؟ مسئله لرینی عهود عتیقه نقطه نظرندن تدقیق ایتك درجه وجودده در .

بایس به دوروزاسك برنجی مسئله حقنده کی افادات و مطالباتك خلاصه سی بوجه آتی درج اولنور : مثلاً بر فرانسه فرانسه ده ابتدایقاع الجرم ممالك عثمانیه اتجا ایلدکده فرانسه قونسولاتو محکمه نك انك حقنده تعقیبات و تدقیقات اجرا سنه صلاحیتدار اولوب اولدینی کیفیتی ظن ایدلیدی قدر بسیط بر مسئله دکلدیر ؛ زیرا بو ، جرمی ایقاع ایدن کیسه ايله حکومت منبوعه سی بیننده کی ارتباطدن ماعدا دولت عثمانیه ايله او حکومت اجنیه نك ده ارتباطنه متعلق بر کیفیتدر . فی الواقع قونسولاتو او مجرمی در دست ضمننده حکومت محلیه مراجعه لزوم حس ایتبی محتمل و وارد و جالبوکه قونسولاتو بو یولده بر طلبده بولنه بیلچکی و دولت عثمانیه نك بو طای قیوله مجبور اوله جی جای بحث و تأملدر . بو ، حد ذاتنده بر اعاده مجرمین extradition مسئله سیدر و حقوق دولده اعاده مجرمین عهود خصوصیه ايله تنید یعنی نه کی احوالده اعاده مجرمین ممکن اوله جی مقاولات دوله ايله تعین ایدر .

بوتون مؤلفر باب عالینك دیگر ممالك اجنیه ايله اعاده مجرمین حقنده عهودی بولندینی فکرنی اظهار ایتشلا درر . فقط بورای بلا قید احتیاط قبول ایدلما لیدر ، هر قدر عهود عتیقه بالخاصه اعاده مجرمین حقنده تعاطی قلنش بر عقدی محتوی دکلمه ده بعض عهود مجرمینک اعاده سنه متعلق بک بسیط و صریح احکامی شامل و بولنلردن ایکسی یعنی اواسط رمضان سنه ۱۱۸۸ (۲۱ توموز سنه ۱۷۷۴) ده روسیه دولتیله منعقد کچوک قاینارجه معاهده نامه سنك ایتنجی ماده سیله ۵ ذی القعدة سنه ۱۲۷۱ (۲۷ مایس سنه ۱۸۵۵) تاریخنده یونان دولتیله عقد ایدیلان قاکلیجه معاهده نامه سنك یکریمی برنجی ماده سی نظری جالیدر .

ایندی بو ایکی ماده دن ، انک زیاده نائل مساعدت ملت معامله سی la clause de la nation la plus favorisée قاعده سنه توفیقاً بوتون دول اجنیه نك استرداد مجرمین صلاحیتی موجود اولدینی استیناج ایدیه بیلیری ؟ و یا مادته مذکورینک احتوی ایتدیکی اساس متقابل اولمق حیثیتله انک زیاده نائل مساعدت دولت معامله سی بوراده جریان ایلر دنیه منری ؟ و یا خود بو ماده لر بر مقصد عمومی یی شامل اولما یوب انحق هم حدود ایکی دولتیك حدودلری اوزرنده کی وقایع و حادثاتك اوکنی المغه خادم تدابیر جلا سندنلر دیک ده دوغری دوشمنی ؟

مع ذلك بوجہ تری تدقیق زائددر؛ زیرا قاپیتولاسیونلر حقوقك droit capitulase قواعد عمومیه سی مسئلہ بی حالہ کافیدر . واقعہ اجنبیلر هیچ دکسہ بیلرندہ کی مناسبت نقطہ نظرندن مواد حقوقیہ و جزائیہ کندی قانونلریہ تابعدرلر . بالخاصہ مواد جزائیہ حکومت عثمانیہ اجانبہ قارشو حق حاکمیتی انحق طرفندن بری عثمانی اولدینی وقت اکتساب ایدر؛ ماعدہ احوالہ ایسہ حکومت عثمانیہ اجنبیک ابقاع ابتدکی جرمدن دولای کندیسی علاقہ دار عداوت و بوقدیرجہ اجانب کندی مملکتک، حقندہ تأمین اجرایی لازمہ دن اولان قوانین حقوقیہ و جزائیہ سنہ تابع قالیر . دیگر طرفندن ممالک عثمانیہ بولنسان بر اجنبی حقندہ مملکتندہ بولنسان صلاحیتدار مأورلرک تنظیم واسرا ابتدکی بر توقیف ما کره سنک اجرایی قوانین جزائیہ نک قسماً اجرایی دیملکردک یو، بالادہ کی تمہیداتہ نظراً ممالک شرقیہ جائزدر .

فرانسہ محاکمی دہ ایکی مسئلہ عین اساسی تطبیق ایتشدیر؛ شویله کہ : ۱۸۵۸ سنہ میلادیہ سنہ مارسیلیا ، بون و بیرانسوندہ ساختمہ کارق ابقاعیہ مظنوناً تعقیب ایدلکدہ اولان بر فرانسیز اسکندریہ التجا ایتشدی؛ مارسیلیا مدعی عمومیهی اسکندریہ بولنان فرانسیز قونسولوسنہ علیہندہ تعقیبات اجرایی امر ایتسنہ مبنی قانچلاریہ کلدیکی برصیردہ قونسولوس مظنونی توقیف و فرانسیہ سوق واعزام ایلدی . اکس هیأت آتامیہ سنک مضبطہ آتامیہ سی جنایت محکمہ سنہ Cours assise نودیج قلمسی اوزرینہ متهم وکیلی اول باول توقیفک قانونہ مغایر اولدیغندن چونکہ متهم استرداد مجرمین اصولہ توقیفاً سبق ایدن بر طاب دائرہ سنندہ حکومت مصریہ جانبندن فرانسیہ حاکمیرینہ تسلیم ایدلک ایجاب ایدرکن خود بخود خلاف صلاحیت دردست و توقیفہ تشبث ایداش اولسندن بحث ایتش ایسده محکمہ بوعتراضی شایان قبول کورماتش و تمیز محکمہ سی دخی ۱۸ کانون اول سنہ ۱۸۵۸ تاریخی قراریلہ اعتراض واقعی رد ایلشدیر . ۱۸۸۷ سنہ سنندہ دخی محکمہ تمیزینہ عین صورتلہ اتخاذ قرار واسباب موجبہ موقعندہ ، بر اجنبیک ممالک عثمانیہ ابقاع ایلدیک جرمدن دولای قونسولوسلرک حق تعقیبی بولسنہ نظراً فرانسیہ بر جرم ابقاعندن صکرہ ممالک عثمانیہ التجا ایدن تبعہ سی حکومت محلیہ نک مداخلہ سنہ لزوم قانچلریزین قونسولوسلرک بالاولیہ اfortiori اخذ و توقیفہ صلاحیتی اولہ جغنی تذکار ایتشدیر .

ایشته بر قسم مؤلفینک آراسی و بعض محاکم اجنبیہ نک مقرراتی ممالک عثمانیہ التجا ایدن ارباب جرائمی ویا بورادہ بولنان تبعہ سی لاسبب طرد و اخراج امرندہ قونسولوسلرہ برحق و صلاحیت بخش و قونسولوسلرک نظامنامہ لرندن برقاچندہ تصادف ایدیلان صراحت دہ بونی تأیید ایتکدہ ایسده بوا دعا نہ قواعد حقوق دولہ ونده قاپیتولاسیونلر احکامنہ توافق ایتدیک جہتلہ اصلا شایان قبول کوریلہ من .

واقعہ حقوق دول نقطہ نظرندن استرداد مجرمین یا بر مقاولہ خصوصیه ویا مقابلہ بالمثل اساسنہ ویا تعاملہ مستند و بر طاقم اصول وقواعد تابع بولنمقدہ و بوبادہ قونسولوسلر ایچون برحق امتیاز قبول ایللمکدہ در . قاپیتولاسیونلر دہ ایسہ قونسولوسلرک بویولده بر صلاحیتی اولدینی مصرح دکلدر . بوندن طولاییدرکہ شو ادعای تائید ضمیمہ اجانب دہ طریق قیاسہ سلوک ایدرک « مادامکہ قونسولوسلرک ممالک عثمانیہ دہ ارتکاب جرم ایدن تبعہ سی حقندہ کی حق قضایی طرف دیگر دہ عین تابعیتدہ اولدینی حالہ مصدق و مسلمدر ، انک کی منسوب بولندینی دولت ملکنندہ جرم ابقاع ایتدکدن صکرہ ممالک عثمانیہ التجا ایدن تبعہ سنہ قارشو دہ حق قضایی اولمق وانی محل جرم اولان مملکتندہ اعادہ ایلک حق و صلاحیتی حائر در « دیورلر . لکن بو استدلالک دہ بر قیمت حقوقیه سی یوقدر؛ چونکہ قونسولوسلر ایچون حق قضا طانیق علی خلاف القیاس بر

معاملہ بی تجویز ایتکدر؛ بویله علی خلاف القیاس ثابت اولان شی ایسہ سائرہ مقیس علیہ اولہ ماز [۸] دیگر طرفندن علی الاطلاق ممالک عثمانیہ دہ ابقاع جرم ایدن کیمسہ لر حقندہ تعقیبات اجرایی اساساً حکومت عثمانیہ یه ماند برحق اولوب طرفین عین تابعیتدہ بولندینی صورتدہ قونسولوسلرک ایچون قبول ایدیلان حق قضا بوبادہ حکومت سنیہ یه وکالتدن عبارتدر؛ وکیل ایسہ موکل بہک ایفاسنجه انحق موکلندن تلقی ایلدیک مآذونیت دائرہ سنندہ حرکتہ مقتدر و انک خارجندہ ایفا ایتدیک معاملات موکلی حقندہ غیر نافذ و لغو اولہ جغنی جہتلہ، ممالک عثمانیہ بولنان قونسولوسلرک حق قضایی حاکمیت محلیہ نک توکیل ایتدیک دائرہ داخلہ مقصور و منحصر و بنابرین مثلاً فرانسیہ دہ بر جرم ابقاع ایتدکدن صکرہ ممالک عثمانیہ یه التجا ایدن بر فرانسیز فرانسہ قونسولوسلرک خود بخود دردست و محاکمہ و فرانسیہ سوق واعادہ ایدہ بیلیمک صلاحیتی غیر شامل بولنسی اقتضا ایلر . فضلہ اولہ رق قاپیتولاسیونلر دہ سالف الذکر استدلالی حکمدن اسقاط ایدہ جک احکام موجوددر؛ صراحت مقابلہ سنندہ ایسہ دلالتہ اعتبار یوقدر .

تجارت بحریہ محکمہ سی اعضاسنندن

ضلیل جمال الدین وهرانہ آصاردر

دعوتیہ ورقه سی

اصول محاکمہ نک ۹۹ نجی مادہ سی

شو سرلوحہ دن مقصد؛ دعوتیہ ورقه لرندہ موضوع مهر ویا امضانک اصول محاکمہ حقوقیہ قانوننک فصل خصوصسنده کوستریلان معاملات تطبیقده اساس و مقیاس انتخابینہ قابلیت و صلاحیت قانونیه سی بولنوب بولونمادیقنه دائرہ برایکی سوز سوبله مکدر . شوقدرکہ موضوع بحثہ کیریشمزدن اول مذکور اوراقک ماهیت واهیت قانونیه لرخی و بونار اوزرینہ نہ کی احکام مهمہ بناء قیامقدہ ایدوکنی بسط و بیان ایلک لازمدر . دعوتیہ ورقه سی — : اقامہ اولسان دعوائی ، تعیین ایدیلان یوم محاکمہ بی ، و یوم مذکور دہ حاضر بولنولمادیقنی حالہ حکم قانونک اجرا و تطبیق قیلنه جغنی مبین طرفین متخاصمین نامنہ تنظیم قلمنان بر اخطار نامہ رسمی در .

دعوتیہ ورقه سی — : بر محکمہ طرفندن تنظیم اولونہ رق بالذات طرفینہ ویا قانونک جواز کوستریلکی

[۱] علی خلاف القیاس ثابت اولان نص موردینہ مقصور اولور عبارہ سبلہ دہ ایراد اولنان اشبو قاعدہ کلیہ « exepcio est strictissimae interpretationis یعنی استثنایک تطبیق محدود بر دائرہ یه انحصار ایدر » صورتندہ روما حقوقندہ واندن نقلاً حقوق غربیہ دہ دخی موجود و مصرعیدر .

محل و مكانه بولنان اشخاصه تبليغ اولونمق اوزره مأمور مخصوصه - ينى محكمه مباشرينه - ويريلان بر ورقه رسميه در .

دعوتيه ورقه سى - : مأمور مخصوص طرفندن على الاصول تبليغ اولوندينى تصديق اولونونجه اوزرينه برطاقم احكام شرعيه ، حقوقيه ، تجاريه وحتي احكام جزائيه بيله بناء قلنان برميناي رسميدر .

دعوتيه ورقه سى - : تعريفات قانونيه دائره سنده املا و تنظيم و اصول موضوعه سى وجهله بعدا تبليغ نمضى و يا مختوم نسخه سى اعاده قلنه رق اوراق دعوى مياننده كورلمدكجه و هر در لوم معامله غيايه و بعضاً معامله و جاهيه اجراسنى بر طرف ايدن بروثيقه رسميه در .

دعوتيه ورقه لرينك قابل انكار اوليان موقع و صفت قانوني لرينى شو صورتله قبول ايتدا كدن صوكره بونلرى تبليغه وظيفه دار اولان مأمور مخصوصك كيم اولدينى آكلامق لازمدر .

بويابده انجمن عدليه قرارينه عطفاً عدليه نظارت جليله سندن ملحقه يازيلان و دعوتيه ورقه لرينك عسا كر وضبطيه ضابطان و تفراقي معرفت لريله تبليغى منع ايدن تحريرات عموميه ايله محكمه عالى تميز حقوق دائره سنك ۲ ذى الحجه سنه ۳۰۰ تاريخي قرارينى ذكر ايتك دها فضله سوز سويلكدن ، اسباب موجب ارايه ايلكدن استغنا حاصل ايتديرير . قرار مذكوره مباشر واسطه سيله اجرا اولمايوبده صورت و وسائط ديكرله وقوع بولان تبليغاتك كازلم يكن عد اولونمى لازمكه چكى ذكر و تصریح اولونمش و بناء عليه دعوتيه ورقه لرينك مأمور مخصوص ؛ منسوب اولدقلى محكمه نك دائره حدود و صلاحيتي داخلنده ايفاي تبليغات وظيفه سيله مكلف بولنان محكمه مباشرلى اولمق اوزره تعين ايتشددر .

حتي بر محكمه طرفندن تنظيم اولنان دعوتيه ورقه سى او محكمه يه منسوب مباشر واسطه سيله تبليغ اولوندينى تقديرده معتبر اولوب ديكر بر محكمه مباشرى معرفتله وقوع بولان تبليغ بالافاق كازلم يكن در . اوراق مذكوره نك صفت رسميتي ، و بونلرك مأمور مخصوصى بوجهله تحقق و تعين ايتديرلكدن صوكره اصول محاكمه حقوقيه قانوننك ۹۹ نجى ماده سنه عطف كلام ايدلم .

ماده مذكوره مندرجاتنه نظراً امر تطبيقده اساس و قياس طوتيله جق اوراق حقدنه طرفين اتفاني ايدمه دكلى حالده مقياس اتخاذ اولونه جق اوراق اولامقدا امضا و يا تختم اولوب محكمه و يا مأمور مخصوص حضورنده اعتراف و قبول اولنان ، و يا خود محكمه و يا مأمور مخصوص مواجهه سنده امضا و يا تختم قيلنمش و الحاصل سندات رسميه دن معدود بولونمش اولان اوراقده محرر و موضوع ختم و امضادن ، ثانياً يازينى تطبيق اولونه جق كسه نك دولت مأموريتنده ايكن يازمش اولدينى اوراق رسميدن ، ثانياً مدعى عليه طرفندن امضا و تختم اولوندينى اعتراف اولنان سندات عاديده دن عبارتدر .

تعلق و تأجيل محاكمه ايچون محكمه حضورنده دعوتيه ورقه لرينه وضع و تحرير اولنان خط و خاتمك قابل مقياس اولديغنده ترده محل يوقدر چونكه بويابده عبارته قانونيه بك صريحدر انجق مأمور مخصوص

اولان محكمه مباشرى معرفتله تبليغ و آنك حضورنده امضا و تختم اولونهرق بعدا تصديق محكمه يه اعاده قيلنمش بولنان دعوتيه ورقه لرى اشبو ماده قانونيه نك دائره محيط و شمولي داخلنده مى در ؟ دكيدر ؟ يعنى بومللو دعوتيه ورقه لرنده كى خط و يا خاتم دخی امر تطبيقده مقياس اتخاذ اولونه ييايرى ؟ ايشته باعث تردد اولان اصل مسئله بودر .

رأى عاجزانه بجه مادامكه اوراق مذكوره نك تبليغى ايچون قانون ؛ مأمور مخصوص تعين ايتشددر و مادامكه آنلردن بشقه سنك تبليغى كازلم يكن عد اولنشددر ، و مادامكه ماده قانونيه ده مأمور مخصوص حضورنده وضع و تحرير اولنان مهر و يا امضاتك تطبيقه اساس اوله جنى كوسترلشددر شو حالده اوراق مذكوره نك دخی تطبيقه مقياس اولمق صلاحيتي قبولده تردد ايتمه مك ايچاب ايدر . على الخصوص تنظيم و تبليغ اولنان دعوتيه ورقه سى اوزرينه مخاطبي و مثلاً مدعى عليه محكمه يه كلوبده مذكور ورقه يه و يا تبليغه اعتراض وقوع بولمق سزير بر ايكي جلسه محاكمه جريان ايتمش بولنورسه آرتق ورقه ضمناً دخی قبول ايدلش اوله جفندن يتون تردد لر بر طرف ايدلك لازم كير .

كرچه بعض حقوق شناسانز طرفندن دعوتيه ورقه لرى شائبه تصنيع و تزويردن غير سالم بولندقلى بيسانيله امر تطبيقده اساس اوله يه جنى ادعا قلنمقده وحتي لبناني سليم بن رستم بك افندينك عربى العبارة بر اثر قيمتدارنده دخی بوجهله مطالعه اتيان اولنمقده ايسده اولاً اكر اشبو شائبه مجرد و مفروضيه بر اعتبار و قيمت حقوقيه و يريله چكسه صورت مطلقه ده ويرلك ، يالكنز امر تطبيقده مقياس اتخاذ اولوب اولنميه جفنه حصر ايدلمه مك لازم كير ؛ كه بوتقديره كوره دعوتيه اجابت ايتيان بر مدعى و يا مدعى عليه حقدنه معامله غيايه اجراسى بوسيتون امكانسز قالير چونكه شك اوزرينه بناء حكم جائز دكلدر .

ثانياً : سابقاده بسط و بيان قيلندينى وجهله مدعى عليه تبليغ و امضا و يا تختم ايلديكى دعوتيه ورقه سى اوزرينه محكمه يه كلرك بلا اعتراض محاكمه جريان ايتمش بولنورسه مظنون اولان شائبه تزوير طبيعتيله اورتندن قالمش اوله جنى كى بالفرض مدعى عليه كم عدم اجابت مبنى اجرا قلنان محاكمه نك لزوم كوستر مسندن ناشى براى تطبيق كندوسنه توديع كيفيت اولنان اهل خبره اولاباده كى دعوتيه ورقه سى اساس اتخاذ ايدرك رابورينى تنظيم و محكمه دخی اكا مستنداً اعطاء حكم ايتمش بولنور و اخيراً مباشرك امر تبليغه قصور و يا وظيفه سنى سوء استعمال ايتديكى اكلا شيلير ايسه بوندن طولاني مباشرك مجازات لازمه سنى چكمه سنى و مدعى عليه ترتب ايدن ضرر و زيانى تضمين ايلسى اقتضا ايدر . عكس صورتى قبول ايتك وظيفه سنى سوء استعمال ايدن بر مأمورى تأديب ايدمك يردده احكام و حقايق قانونيه يي تغيير ايتك ديمك اولور .

عبارته قانونيه ده كى (مأمور مخصوص) دن حصراً مقاولات محررينى قصد و مراد ايتك دخی واضع قانونك مقصد و مرايميله توافق ايتز . چونكه اصول محاكمه حقوقيه قانوننك مقاولات محررلكى نظامنامه سندن مقدم ايدوكى و مقاولات محررندن بشقه حضورنده وضع و تحرير اولنان خط و خاتم نظر قانونده مقبول و معتبر

اولان دها برطاقم مأمورین بولندینی معلومدر: والحاصل دعوتیه ورقه لرینی معاملات تطبیقیه اساس اولق مزیتندن اسقاط ایتک ایچون یا محکمه مباشرینی اوراق مذکورہ نیک تبلیغنه مأمور مخصوص اولق موقعندن دوشورمک، یا خود ماده قانونیه ده کی «مأمور مخصوص» ک کیلردن عبارت ایدوکنی حصراً تعیین وتحدید ایلک اقتضا ایدر .

بفداد: تجارت محکمه سی ریسی

فوار



اعلان

اوچیوز یکریمی یدی سنه سی شهر کانون نایسنک یکریمی برنجی کونی مدلولونک ایفانده قریه سنندن آپوستول آسیا کی بی جرح وقتل ایلدیکی ادعاسیله متهم اولان اوزون بویلی صاری بیقلی پوطور ا کسا ایدر اوتوز سکیز یاشلرنده قریه مرقومه لی بکچی دیموستوقلی پناویط دایزا در دست ایدیلهمامش اولدیغندن تاریخ اعلاندن اعتباراً جانب ریاستدن کندوسنه مجدداً اون کون مهل اعطا قلمشدر . مهل معین ظرفنده مرقوم محکمه یه کلدیکی حالده قانونه اطاعت ایتماش نظریله باقیلهرق حقوق مدنیهدن اسقاط قلمه جی وعلیه ند دعوا یه قیام اولنه جی وبوصرده برکونا ادعایه حتی اولهمیه جی و اموالک حجز آلتنه آلنه جی وبالجمله ضابطه عدلیه مأمورلرینک کندوسنی طومغه مجبور بولندقلری کی معاملات حجزیه حقنده دخی مدعی عمومیلکه تبلیغات مقتضیه اجرا ایلدیکی جهته اصول محاکات جزائییه قانوننک اوچیوز یتش برنجی و اوچیوز یتش ایکنجی ماده لرندن استنباط اولنان احکامه توفیقاً اشبو قرارنامه بالتنظیم اعلان اولنور .

اوچیوز یکریمی یدی سنه سی شهر کانون نایسنک اوچنجی کونی مدلولو سنجاغنه ملحق مولوه قضاسنک استیسه قریه سی اهالیسنندن مخالفو پناویطه جبراً فعل شنیع اجرا ایلدیکی ادعاسیله متهم اولان اورتی بویلی الا کوزلی بغدادی بکزیلی یرمی درت یاشلرنده دیمتری افتر مادان در دست ایدیلهمامش اولدیغندن تاریخ اعلاندن اعتباراً جانب ریاستدن کندوسنه مجدداً اون کون مهل اعطا قلمشدر . مهل معین ظرفنده مرقوم محکمه یه کلدیکی حالده قانونه اطاعت ایتماش نظریله باقیلهرق حقوق مدنیهدن اسقاط قلمه جی وعلیه ند دعوا یه قیام اولنه جی وبوصرده برکونا ادعایه حتی اولهمیه جی و اموالک حجز آلتنه آلنه جی وبالجمله ضابطه عدلیه مأمورلرینک کندوسنی طومغه مجبور بولندقلری کی معاملات حجزیه حقنده دخی مدعی عمومیلکه تبلیغات مقتضیه اجرا ایلدیکی جهته اصول محاکات جزائییه قانوننک اوچیوز یتش برنجی و اوچیوز یتش ایکنجی ماده لرندن استنباط اولنان احکامه توفیقاً اشبو قرارنامه بالتنظیم اعلان اولنور .

اوچیوز یکریمی یدی سنه سی شهر تشرین اولنک برنجی کونی مدلولو سنجاغنه ملحق مولوه قضاسنه مربوط آکیرونه قریه سی اهالیسنندن خرسنوفینی جرح وقتل ایلدیکی ادعاسیله متهم اولان اورتی بویلی الا کوزلی بغدادی بکزیلی نام الاعضا قرق اوچ یا لرنده قریه مرقومه لی استاورو قولی قیصه در دست ایدیلهمامش اولدیغندن تاریخ اعلاندن اعتباراً جانب ریاستدن کندوسنه مجدداً اون کون مهل اعطا قلمشدر .

مهل معين ظرفنده مرقوم محكمه به كلدیكي حالده قانونه اطاعت ایتماش نظریله باقیله رق حقوق مدینه دن اسقاط قلمه جنی وعلیه نه دعوايه قیام اولنه جنی و بو صروده بر کونا ادعایه حق اوله میه جنی و اموالک حجز آلتنه آلتنه جنی و بالجله ضابطه عدلیه مأمور لرینک کندوسنی طومغه مجبور بولند قلمی کبی معاملات حجزیه حقنده مدعی عمومیلکه تبلیغات مقتضیه اجرا ایدلیدیکی اصول محاکمات جزائیة قانوننک اوچیوز یتش برنجی و اوچیوز یتش ایکنجی ماده لرندن استنباط اولنان احکامه توفیقاً اشبو قرارنامه بالنظیم اعلان اولنور .

بیک اوچیوز یکریمی سکزی سنه سی شهر مارتنک یکریمی برنجی کونی مدلی سنجاغنه ملحق اییوز قریه سندن قسطی بروقوی جرح و قتل ایدلیدیکی ادعایله متهم اولان اورته بویلی سیاه صاجلی بغدادی بکزیلی شاپ امرد اون طقوز یاشلرندن قریه مرقومه لی علی بن اسماعیل بک دردست ایدیله مامش اولدیغندن تاریخ اعلانن اعتباراً جانب ریاستدن کندوسنه مجدداً اون کون مهل اعطا قلمشدر . مهل معین ظرفنده مرقوم محكمه به كلدیكي حالده قانونه اطاعت ایتماش نظریله باقیله رق حقوق مدینه دن اسقاط قلمه جنی وعلیه نه دعوايه قیام اولنه جنی و بو صروده بر کونا ادعایه حق اوله میه جنی و اموالک حجز آلتنه آلتنه جنی و بالجله ضابطه عدلیه مأمور لرینک کندوسنی طومغه مجبور بولند قلمی کبی معاملات حجزیه حقنده مدعی عمومیلکه تبلیغات مقتضیه اجرا ایدلیدیکی جهته اصول محاکمات جزائیة قانوننک اوچیوز یتش برنجی و اوچیوز یتش ایکنجی ماده لرندن استنباط اولنان احکامه توفیقاً اشبو قرارنامه بالنظیم اعلان اولنور .

دوزجه نك شرفیه محله سندن مصطفى چاوش زاده حاجی عبدالله افندیك ژونقولداقده مقیم قره اغاجلی رمضان اوسته اوغلی حلواجی محمد ذمتده محكوم به الاجنی اولان مع مصرف یدی بیک درتیوز غروشك تأمین استیفاسی ضمننده مدیون مومی الیهك ژونقولداقده كائن معلوم الحدود اون ایکی آرشون مرهبی زمین اوزرینه کارگیر اوله رق مبنی فوقانی درت ناتمام و درت تمام اوطه و ناتمام تقسیماتی یا ایتماش کذا یدی اوطه و تحتانی بردکان و بر قهوه خانه مع سالون بر اوطه و آخوری مشتمل ابنیه سی تحت حجزه آلدیرلش اولمغه تاریخ اعلانن اعتباراً اون بش کون صکره موقع مزایده به وضع اولنه جقندن اشتراسه طالب اولنلرک ودها زیاده معلومات آلتی ایستیانلرک دوزجه و ژونقولداق قضالری اجرا دائره لرینه مراجعت ایللری اعلان اولنور .

کونیک قضاسنک عریق چاری قریه سندن مؤذین اوغلی متوفی احمدك کفالتیه مخدوملری ملا مصطفى و ملا محمدك اوچیوز اون بش سنه سی اعشارندن مدرنی مال صندوقه اولان معلوم المقدار دینلرینک تأمین استیفاسی چون کفیل احمدك مرهون اولوب محجوز بولنان و دائره اجراجیه موقع وحدود و دونماتی مضبوط اون ایکی قطعه ده اوتوز سکزی بیجق دونم مستقل وثلث حصه لی ترلاری بالمزایده جزینه نامنه تفوض اولنقی اوزره بش بیک یدی یوز یکریمی غروشه مال مدیری عهده سنده تقرر ایدوب موقت قراردادلری کشیده

ایدلش اولدیغندن تاریخ اعلانن اوتوز برکونصکره قرار قطعی کشیده قلمه جقندن یوزده بش ضمله طالب اولنلرک ودها معلومات آلتی ایستیانلرک کونیک اجرا دائره سنه مراجعت ایللری اعلان اولنور .

آوولیا قادینک جزایر بحر سفید ولایتی داخلنده یاطموموس جزیره سی مناسترنده مقیمه راهبه صالومی قادین علمنده بک اوغلی بدایت محكمه سی برنجی حقوق محكمه سندن استحصال ایدلیدیکی ۱۹ مارت سنه ۳۲۷ تاریخ و ۷۱ نومرولو اعلام غیابی موجبیه محكوم لها آوولیا قادینک متصرفه سی بولندینی بک اوغلنده طمطم محله سنده لیلاردی زوقاغنده اون طقوز و مکرر اون طقوز نومرولرله مرقم ایکی باب منزل ایله بیکده کاپا جاده سنده سکزی و مکرر سکزی نومرو ایله مرقم ایکی منزل اوزرینه مدعی علیها راهبه صالومی قادین طرفندن موضوع حجزک فککنه و مدعی مذبوره طرفنه کفالت مالیه و معتبره اراده ایدلیدیکی حالده اوقاف قاضیلرینک اشعار رسمیه سنه . مستند بولنان حکم واقعک اجراسنه دائر صادر اولوب اعتراضاً دخی تصدیق قننان ۱۹ مارت سنه ۳۲۸ تاریخ و ۴۰ نومرولو حکم و جاهی بی متضمن اعتراض اعلامی محكوم لها متعجزه مذبوره آوولیا قادین طرفنه موقع اجرایه وضع اولنوب و محكوم علیها حاجزه صالومی قادینک الیوم اقامتکاهی مجهول بولندیغندن تبلیغات لازمه قانونیه نك اعلاناً ایفاسی لزومی دخی با استدعا طلب ایتسنه بناءً اجرا قانوننک یکریمی طقوزنجی ماده سی حکمنه توفیقاً طقسان برکون مدته تنظیم قننان اشبو اخبارنامه محكوم علیها متعجزه صالومی قادینه تبلیغ ایدلش عد اولنقی اوزره و مدت مذکوره ظرفنده اثبات وجود ایتدیکی صورتده اعلام حکمنک اجراسنه امتناع ایتش عد اولنه رق حکم اعلامک اجرا قلمه جنی معلوم اولنق اوزره برنسخه سی دائره اجرا دیوانخانه سنه تعلیق قلمدینی کبی اوراق حوادثله دخی اعلان کیفیت اولنور .

حسن معمر بکک عبدالکریم بکه با اعلام محكوم به بقیه دینک تسویه سی ضمننده درسعادتده الهجه حمام قرینده چلبی اوغلی علاءالدین محله سنده تحت قلعه جاده سنده متصرف اولوب تحت حجزه النان تحمیناً ایکیوز سکسان زراع عرصه ده مبنی فوقانی ایکی اوطه ایله آرقه جهتنده بر مقدار اچقلق محلی مشتمل ۴۷ نومروده کارگیر قاوروجی فرونیلر اتصالنده کائن اولمقدار عرصه ده مبنی و آرقه طرفنده اچقلق محتوی قرق بر نومرولی نعلبور دکاننک یوز یکریمشیر سهم اعتباریه اوتوزر سهم حصه شایعه لرینک تاریخ اعلانن اعتباراً اون بش کون صکره بالمزایده فروخته تشبث اولنه جنی اعلان اولنور .

بانکر قره بت تحت برونیان برادرلرک سابق تفکیکی نان احمدجلالالدین پاشا ذمتنده با اعلام محكوم به مطلوبی اولان مبالغ معلومه نك تأمین استیفاسی ضمننده مدیون مشارالیهك عهده تصرفده اولوب محكمه قراریه تحت حجزه النان و فروختی حکم اعلام اقتضاسندن بولنان بوغازایچنده ارنالوود کوینده برنجی جاده ده درت نومرولی ساحل خانه عرصه سیله درت مکرر درت نومرولی متعدد اوطه لرک والی واون الی واون واون ایکی واون

درد واون التي واون سكر ويكرمي ويكرمي ايكي نومرولى دكا كين واطهرك هو الريني مشتمل سكر نومرولى
برباب غازينو وبش نومرولى اخور محلك مذ كور عرصه جارى نصف ماصورا ماء لذيك وبيك قريه سنده
بيك جاده سنده اوتوزيدى نومرولو تخميناً يوزسكسان ايكي آرشون مقدارى برباب قايقخانهك بشر حصه
اعتباريله اوچ حصه لرينك تاريخ اعلاندن اعتباراً اون بش كون صكره بالمزايدة فروخته تشيبت اولنه جنى
اعلان اولنور .

كوسه دره موقعنده اجى قيو چاي الاكى موقعنده طرفلرى قريه مذ كور حدودنده كستان .
موقعنده طرفلرى حاجى طنمز چاي قهوه جى عارف وعلى ايله نبول قيوسى موقعنده طرفلرى
كريمسى فاطمه واحمد ويول محدود بغچهك نصفى يول وحسن وحاجى طنمز
ايله محدود ترلانك نصفى اوغلى احمد ايله محدود ترلانك
نصفى

قريه مذ كورنهك آشاغى درويشك كول ىرى موقعنده قريه مذ كورده يوقارى اليك
اليك موقعنده طرفلرى شاكر طرفلرى احمد خنيفه وسوكلى موقعنده طرفلرى حسن
واينهلى احمد وقباچى خليل زوجهسى خديجه ايله محدود زوجهسى يول واحمد ايله
ويول ايله محدود ترلانك نصفى ترلانك نصفى محدود پلاموطلغك نصفى
قريه مذ كورده طاش كيكي قريه مذ كورده طاش كيكي
موقعنده طرفلرى مصطفى ويول موقعنده طرفلرى مصطفى ويول
وطوافلى شكري ايله محدود وطوافلى شكري ايله محدود

پلاموطلغك نصفى

ايواجق قضاىك كوسه دره قريه سندن امين افنديك قريه مذ كورده ساكنه قان والدهسى فاطمه قادين
ذمتده اولان الاجغندن طولاي مزبورهك اجرا معرفيله تحت حجزه الديريلان بالاده حدود دونملى مخرور
اموال غير منقوله سلك اجرا قلنان مزايده عليه سنده درتليك يوز اوتوز بش غروشه مشتريسى داي
مومى اليه عهده سنده تقرر ايتمش اولديغندن يوزده بش ضمله طالب اولنلرك تاريخ اعلاندن اعتباراً اوتوز
بر كون ظرفنده ايواجق اجرا دائره سنده مراجعت ايللرى اعلان اولنور .

در سعادت محكمه جنايتندن صادر اولان ۱۹ ميس ۳۲۷ تاريخلو اعلامده متوقفا عربه جى ويچنك ساخته
اولادى اولدقلى مثبت اولان لوجيقه واولخاسدن طولاي كيفيت غير صحيحه ي صحيح برينه قويه رقى خصوصى
شامل نسب ووصيت اعلامى يعنى جيتلر بيللرك استعمال ايتسه مبنى مجرم استپانك جزا قانوننامه هايونيك
يوزاللى دردنچى ماده سنده توفيقاً اوچ سنه مدتله پرايقه بند ايدلسنه ومتوفى ويچنك عهده سنده بولنان املاك

موقوفه محلولهك اوقاف هايون نظارت جليله سنده تسليمه ومصارف محاكمه اولان ايكيوز آلتش غروشهك
مرقومدن تحصيله ۲۶ شباط ۳۲۰ تاريخنده واملاك محلوله مذ كوره بدلات اجاره سندن طولاي نظارت
مشاراليها وكيللرينك طلبلريله بشقه محاكمه مراجعتده مختار اولدقلى سنده ۲۶ شباط ۳۲۱ تاريخنده حكم
ايدلدىكي وحكم مذ كورك اجراسى بوكره نظارت مشاراليها جانبندن طلب ايدلمش اولمغله محكوم مرقومه
تبليغى مقتضى اخبارنامهك محكوم عليه استپانك اقامتگاهك بولنه ماماسنه بناء محكمه ديوانخانه سنده تعليق
ايدلمش اولمغله اجرا قانوننامه هايونيك يكرمى طقوزنجى ماده سى موجبجه تبليغ ايدلمش عد اولنلق اوزره
غزتهلر واسطه سيله دخى اعلان كيفيت اولنور .

آيواجق قضاىك ناللى قريه سندن وانكل واسيلوسه با اعلام محكوم به دينى بولنان مذ كور ناللى
قريه سنده محمود افنديك اموال غير منقوله سندن ناللى قريه سنده زيتون پاره موقعنده طرفلرى شرقاً دره
شمالاً خليل قبودان جنوباً حسين اغا وشكرى جنوباً شكري ايله محدود بر قطعه ايكي اولك زيتونك سكرز
يوزاللى وينه موقع مذ كورده طرفلرى شرقاً شكري شمالاً ياني غرباً احمد اغا جنوباً حسن اغا ايله محدود
بر قطعه ده بر دونم ايكي اولك زيتونك طقوز يوز غروشه داي مرقوم وانكل عهده سنده تقرر ايتمش ،
اولديغندن يوزده بش ضمله طالب اولانلرك تاريخ اعلاندن اعتباراً اوتوز بر كون ظرفنده آيواجق اجرا
دائره سنده مراجعت ايللرى اعلان اولنور .

اوپوز يكرمى يدى سنده اعشار ملتزم لردن كونيك يكيجه محله سندن پوسته جى زاده محمد فخرى
دونرى افنديلرك اعشار تقاسيطنه متباق ديونلرينك تأمين استيفاسيچون تحت حجزه آلنان كونيك قصبه سنده
حكومت قارشوسنده معلوم الحدود مع مشتملات برباب خانه وقهوه خانهك سكرز حصه اعتباريله التى حصه سى
تاريخ اعلاندن اون بش كون صكره بالمزايدة فروخت اولنه جغندن طالب اولنلرك كونيك اجرا دائره سنده
مراجعت ايللرى اعلان اولنور .

مايلاسك صانور قريه سندن بربر مستانك باندرمه بدايت حقوق محكمه سندن اعطا قلنان ۸ تموز سنده
۳۲۶ تاريخ واللى طقوز نومرولو بر قطعه اعلام موجبجه قريه مذ كورده دن طوطراقانلى عثمان اوغلى على
عثمانه محكوم اولدينى اون آلتى بيقق فرانسز ليراسنك تأمين استيفاسى ضمنده تحت حجزه آلنان مديون مرقوم
مستانك صانور قريه سى جوارنده سنوردره نام محله كان طرفلرى شرقاً عثمان افندى غرباً اودون يولى شمالاً
مكرم وكوسه قدير وجنوباً اكتبج ايله محدود اوتوز دونم ترلاسى وينه محل مذ كورده شرقاً دره غرباً
صاحب سند شمالاً مكرم جنوباً اكتبج ايله محدود بش دونم ترلاسى تاريخ اعلاندن اعتباراً اون بش كون
صكره بالمزايدة فروخت اولنه جغندن طالب اولانلرك باندرمه اجرا دائره سنده مراجعت ايللرى اعلان اولنور .

مدرجات

قسم رسمی

صفحه
نومروسی

۳۰۲۲	۱۴ خیران ۲۲۸	(۱) —	نومبرات عربیه
۳۰۲۳	» » ۱۷	(۲) —	» »
۳۰۲۴	» » ۲۴	(۳) —	» »
۳۰۳۴		(۱) — مرسل ویا مرسل البهری طرفندن طلب اوله جق تلغرافنامه صورتلری حقنده	تالیفات عمومی
۳۰۳۵		(۲) — شرع تیمور یوللری خطوطنده ایضاع ایدیلان جرائمه دائر	» »
۳۰۳۶		(۳) — صیداده یکیدن کشاد ایدیلان باقده حقنده	» »
۳۰۳۶	۷ مارت ۲۲۸	(۱) — قرارک اسباب موجبیه افتران ایتدیرلماش اولدیفنه دائر	حکومت تمیز مقور دایره سی اعمرومانی
۳۰۳۸	۲۰ مارت ۲۲۸	(۲) — اعلانات جزای نقدیمی حقنده	» »
۳۰۳۹	۲۵ مارت ۲۲۸	(۳) — اون کوندز زیاده خسته ای موجب اولیان ضرب و جرح افعالنندن طولانی تعقیبات اجر اسنک شکایتنامه اعطاسنه متوقف اولدیفنه دائر	» »
۳۰۴۰	۲۵ مارت ۲۲۸	(۴) — طرفینک افاداته نظراً اسباب ثبوتیه تحریری لزومنه دائر	» »
۳۰۴۲	۲۵ مارت ۲۲۸	(۵) — قاربازلق حقنده	» »
۳۰۴۳	۲۵ مارت ۲۲۸	(۶) — مسئله مستأخره حقنده	» »
۳۰۴۴	۲۷ مارت ۲۲۸	(۷) — عندالحاکمه جرمک نوعی تبدل و تغیر ایتدیک حالده نه وجهله معامله اولده جفته دائر	» »
۳۰۴۶	۱ شباط ۳۲۷	(۱) — اراضی امیریه دعواسی حقنده	حکومت تمیز مقور دایره سی اعمرومانی
۳۰۴۸	۱۲ شباط ۳۲۷	(۲) — تعیین مرجع حقنده	» »
۳۰۴۹	۲۵ شباط ۳۲۷	(۳) — قریه اهالیسنک قوم محصور ویا غیر محصور اولدیفنک نفوس اداره سندن استعلام اولدیفنی لزومنه دائر	» »
۳۰۵۱	۳ مایس ۳۱۲	(۴) — اعلام شرعی حقنده	» »
۳۰۵۳	۲۱ شباط ۳۲۷	(۵) — صورت قطعه ده بیع ایدیلان عقاراتده رهن دعواسنک استماعی مغایر قانون اولدیفنه دائر	» »
۳۰۵۴	۲۸ شباط ۳۲۷	(۶) — شهادت حقنده	» »
۳۰۵۵	۱۱ کانون ثانی ۳۲۷	(۷) — ایکی ملتزم بیننده محدث ایدن دعوانک تجارت محکمه سنده فصل وحشی لازم کلدیکنه دائر	» »

ص. ۱۴۵
نومبر و سی

49/22 20/1